





- 004.

544-ԱՂ

Մ Ե Կ ' Ն Ո Ի Թ Ի Ի ' Ն

Տ Է Ր Ո Ի ' Ն Ը Կ Ը ' Ն

Հ Ա Յ Ր Մ Ե Ր

Ա Ղ Օ Թ Ի Ց .

Ե Ի

Ճ Ը Ո Ի Բ

Խ ա շ Է Լ ա ը Է • Թ ա շ Կ ա ն և Յ ա Ր ա ը Է • և Խ ա թ

Տ Է ա ն յ ա ն յ

Ե Ր ա ն Է Ը ո յ ն Մ Է Յ Լ յ Ղ շ Է Ի Ա շ Ր Դ ա ղ Է ա թ Ի

Հ ա ն Է ա Լ ' Է Տ ա թ ո յ ն Ճ ա ո ը ն ար ա յ Ի Է Ր ո յ .

Տ Պ Ե Ա Լ

Յ Ա Մ Ի




Տ Է ա ո ն

և

Տ ա յ ո յ

ա 8 3 6




ա Մ Ճ Է

' Ի . Տ ա ղ ար ա ն Ի Բ ը ա ի ա ն Ա Թ ա ո յ ն Ս Ր Բ ո յ ն Յ ա ի ր ա յ Տ Է ա ո ն  
Ե Ղ Բ ո Ր

' Ի Ս Ո Ի Բ Բ Ե Բ Ո Ի Ս Ա Ղ Է Մ .

243  
6-40

4968-ин



39326-67

Երանելոյն Եղիշէի սուղլախոս Ասորդապետի, և  
 անյալն ժեշտոտայն յԱշտօնն Տոյճ  
 Տե: ոք յերկնսդ էօ:

Եւ պարզ բնութիւն և առաւել ունի  
 զբարձրութիւն բանից: Ի վեր հայեցոյց  
 և զձե հայր ուսոյց, ամենեցուն որդւոց  
 առ հայր կարդալ, անձուկ գթոյ ստիպէ  
 զնս: և կամք կարօտութե զհայրն ածէ  
 ՚ի գութ ողորմութե: Բստ կամաց հօրն  
 և որդիքն պարտին լինել, ապա և հայրն  
 ըստ կամաց որդւոցն զպէտս նոցա կատա  
 րէ: Բոլոր մեծութեն իւրոյ՝ զնս առնէ  
 ժառանգորդս: Տայրդ անուն մի է հո  
 գևորաց և մարմնաւորաց, պէտքն ըստ  
 մասանց բաժանել յորշէն ՚ի միմեանց:  
 Տերկրաւոր հարս՝ ախտք ցանկութեան  
 մարմնոց շարժեցին յորդեծնութի: Ըստ  
 ախտաւոր յղուեն, ախտաւոր որդիս  
 ծնել: Վոփոխահան է հայրութն, երբեմն

և որդի եղև . հայրն հրաժարեաց ՚ի կէ  
նաց աշխարհիս՝ բարձաւ ՚ի նմանէ հայ  
րու-թիւնն . ՚ի տեղի մատեաւ որդին . ե  
ղև հայր , և զնոյն ճանապարհ գնաց . և  
այսպէս փոխանորդութիւն վախճանելոց  
է աշխարհ . Ս՚ի է հայր ճշմարիտ և ա  
րարիչ բոլոր աշխարհի . առանց ախտից  
յղացաւ . առանց ցաւոց ծնաւ զամենայն  
երեւելիսս և զաներևոյթս . որ ծնաւն  
նոյն եկեալ ուսուցանէ զորդիսն կարդալ  
առ հայրն երկնաւոր . զի մի՛ հանապազ  
յիխանձարուրս և յօրօրանս կայցէ աշխար  
հըս . կաթնածուծք և ջամբակերք՝ և  
թաթաւեալք և թաղեալ գարշելի աղ  
տուլք , յորմէ ձանձրացան մարք և ստըն  
տուք , և զերեսս ՚ի բաց դարձուցին  
դայեակք և սնուցիչք . և են սք օրէնք  
և մարդարէք . ՚ի ծով լուացին և ոչ  
կարացին սրբել . Ը գետս անցուցին և  
ոչ ողողեցան . յաճախեցին յօճառս և  
լուացան բորակաւ և ոչ սրբեցան . զիւ  
րեամբք ածեալ բարձին , ընկեցին և  
՚ի բաց կացին . Վթացաւ հայրն երկ



նաւոր , խոնարհեցաւ յերկնից յերկիր՝  
 եգիտ զամենեւեան յարիւն յապաժոյժ  
 ՚ի զոհս մեռելոտի կռոց պաշտաման .  
 առ , լուաց , սրբեաց՝ զգեցոյց զհանդերը  
 ձըն երկնաւոր , և մերձեցոյց անդրէն ՚ի  
 նոյն որդեգրուին , և ուսոյց զհայրենի  
 վարդապետուին , զի կարդասցեն առ սի-  
 րեւի հայրն երկնաւոր : Յորժամ ասէ  
 յաղօթս կայցէք՝ մի՛ տղայաբար շատա-  
 խօս լինիցիք , անձ սրտին խորհրդոցն է  
 լսող , և բարի գործոցն է հատուցանող  
 փոխարէն բարի : Բերանով վկայուծիւն  
 այսչափ է բաւական ասել :

Տ՚յր ճեր « Երկրին » ան է անունն սո :

Մեծ է այս պարգև քան զամ պար-  
 գևս առ մարդիկ՝ այ հայր լինիլ մարդ-  
 կան : Չիք իշխանուի հրեշտակաց զայս՝  
 ասել . թէպէտ հզօրք են և հոգևորք  
 սպասաւորք են , և ոչ որդիք : Ո՛վ մարդ  
 զգոյշ կ'աց յանձին քում , յորպիսի պա-  
 տիւ մեծարեցար , մինչև հայր քեզ զանձ  
 իշխեցեր անուանել , Եւ զայս ևս ան-  
 զմտաւ քով , ըստ հօրն պատուի և ըզ-

Քեզ ճեւարո՛ւ , զի ծանօցեն Վերինքն և  
ներքինք թէ արդարև անորդի ես :  
Բանիւ ծնանի ան զմարդն , թէպէտ և  
բառնալ ոչ կարէս՝ մի՛ ըստ մտրմնոյդ կա  
մաց թաթաւիր ի երկիր , հատ ընկեա  
լի բաց զաւելորդ ցանկուի դորա , շատ  
բաւական համարեաց Քեզ զհարկաւոր  
կերակուրսն , մի՛ զանցաներ և շուայտոյ  
նար , ՚ի գիրութի սոնդանայ մարդ , և  
՚ի բազում ճարպոյ ելանեն անօրէնութի :  
որպէս յարբեցուի գիճութի պղծուե .  
այնպիսին ոչ կարէ անուանել զան հայք .  
ոչ ահա՛ Քեզէն իսկ վկայեցեր ասելով ,  
Մերի է անուան : Ինուն այ՛ ո՛ կարէ գնել .  
Մի՛ ասելով այն է ճշմարիտ անուն այ՛ .  
տուտ աստուծոց անուանքն ոչ են սբ .  
ամբ գող , ոմն սպանող , ոմն շուն , և  
ամենեքեան իւրաքանչիւր ախտիւքն չար  
չարանաց մանաւանդ թէ ոչ իցեն իսկ ,  
և ոչ այլ ինչ լինելոց են : Սարդիկ  
որ զնոսա անս անուանեցին՝ նոքա ոչ են  
ճշմարիտ որդիք այ՛ , որոց ուսուցանե  
կարդալ աւ ան , որոց յաղթսն հրա

մայի կալ առ հայրն . նորօք բանայ դու  
ուրն ամենեցուն . զի ամենեքեան ընդ այն  
դուռն դիմեսցեն մտանել . զնոյն աղօ  
թըս ուսցին ալաչել զած և ասել .

Տայ ճեբ ու յեհի՛ն , ՍԷ է անուն տ :

Յորժամ ճշմարտախօս ուսցին լինել  
յաղօթս , ապա և ճշմարտագործք երև  
եսցին յաշիարհի . յայնժամ կարեն լքա  
նել և ՚ի բաց թողուլ զսուտ շաստուած  
սըն . ոչք քարին և փայտին հայր և  
մայր կարդային : ՍԿ և ՚ի նոցանէ ՚ի բաց  
կացին և յանառակ գործոց իւրեանց հը  
րաժարեցին , սրբեցան միտք իւրեանց .  
և ՚ի գիտութի իմաստուէ բացան բերանք  
նոցա համարձակս բարբառել և ասել .  
Ահե՛ցէ արտայուլի՛ն տ՝ ելեցին հանձ տ սրդէս յե  
հի՛ն և յեհե՛ր :

Իբրև թագաւորեաց ան ՚ի վերայ ա  
մենայնի՛ ալքայուլի՛ն նորա ՚ի վր կամարա  
բաց իւրոց միայն ասէ՛ եկեցէ արտայուլեան  
տ , այս՝ իբրև զայն ծագեսցէ աստղ յա  
կոբայ , և յալիցէ այր յիսրայէլէ և  
հասցէ , սատակեսցէ զզօրութի՛ն ամալ

կայ : Ասորն ծագեաց և այլն յարեաւ  
 էհար սատակեաց զսոնյ , որ էր զօրութի  
 հեթանոսաց , այս կամք այ ՚ի սկզբանէ  
 էին , և կատարեցան ՚ի գալստեան տնն  
 մերոյ յի քի : Սայս աղօթս բանիւք պար  
 տիմք ուսանիլ , և հաւատով յուսալ  
 յերկրորդ գալուստ նորա , յորժամ լը  
 աղօթից մերոց և գործքն մեր երեւեսցի  
 ստուգութի : Ահեղէ արտոնելն Ին :

Ինքն արքայութիւն ուսուցանէ վասն իւր  
 խօսել , էր յաշխարհի , և աշխարհ նո  
 վաւ եղև , և աշխարհ զնա ոչ ծանեաւ ,  
 Ասուցանէ հայր ստել զի զնա միայն գի  
 տասցէ արարել աշխարհի արարչութեամբ ,  
 Բոլորովն որդեգրութի մարդոյ միայն ,  
 որ արարն նոյն և արքայ , և որ եկն նոյն  
 և արքայութի , նորա հայր բնութիւնն ան  
 մեր հայր շնորհօք , անութիւն իւրով , յոր  
 ժամ ան հայր է ամենեցուն , քս եղբայր  
 է ամենայնի՝ որ առնեն զկամս նորա , էր  
 արքայ , և եղև քո եղբայր , Այս պար  
 գեք մի ծ են քան զառաջին արարչութիւնն  
 յայնժամ լը պատկերի այ ասացաւ լինել

Մարդ՝ իբրև թէ քն օրինակին ձևացոյց՝  
 ունի կառեցաւ հոգեղէնն հողէղինիս տիպ  
 լինիլ զի և սա 'ի նա՝ ուսցի առաքինութե  
 ձևանալ : Իբրև ոչ կարաց միաբանիլ 'ի  
 նա՝ ինքն իսկ զնր՝ տիպն առնոյր , որպէս  
 և ինքն գիտէր , ինքն ձևացոյց անխախ  
 տելի և անքակելի զորպիսութիւն , անհո  
 սանելի և անասելի , միայն հաւատալի և  
 յուսալի , և զնա միայն արժանի սիրելու :  
 որ մերոն ընդ մեզ խօսի , և ուսուցանէ  
 զաներևոյթ զանձութիւն յերևելիսս , զի  
 երևելէօքս զաներևոյթ արքայութիւնն  
 ծանիցես : Որով եկն՝ նոյն և երկրորդ  
 անգամ եկեսցէ , այժմ 'ի վարդապե  
 տութիւն զաշակերտս որդիս ասաց , և ըզ  
 ծառայս տեարս արարեալ , և զմահկա  
 նացուս յանմահութի հրաւիրեալ , այժմ  
 ասելով : Այնչէ արայութի : Ի զգուշութե  
 պատրաստութեան՝ սպաս 'ի հատուցմունս  
 իւրաքանչիւր իշխանութե՝ որչափ և զքեզ  
 կարացես վիճակեցուցանել 'ի մասունս  
 արքայութե վերաբերել : Ի զճական եւ  
 ազգութիւն , և 'ի վեր քան զանութիւն մեր

պարգևս խոստանայ : Աշխի՛ն ասէ Կ.Տ.Յ  
 Կ : Արամբ ան է սրբութի՛ մարդոցն , զի  
 բաժանակից արար արքայութե՛ իւրում .  
 ո՛չ զի ո՛չ կարացուք հասանել յայն բա-  
 ժին , այլ զի դիւրաւ ստանայցե՛ք ըզ-  
 համբերութի՛ վասն յուսոցն մերոյ , իբ-  
 ըւ զայնոսիկ որոց զաղօթան ուսոյց , ե-  
 թէ նոքա կատարեցան ըստ աղօթիցն ,  
 ապա և մեք կարեմք , միայն հաւատա՛ ,  
 յուսա՛ , սիրեա՛ , և անդէն կատարեցար .  
 խնդուք և մի տրամութեամբ չարչարա-  
 կից լինիլ քսի՛ սոյ : Ինքն ան զօրացուցանէ  
 ՚ի համբերութիւն , եթէ ո՛չ գոյր կարո-  
 ղութիւն՝ և ո՛չ զայնպիսի աղօթան ան-  
 ուսուցանէր մեզ : Յաւաջնան հայեցա-  
 րուք , ո՛չ զչարչարանն միայն բաւական  
 համարեցան անձանց ՚ի հաւատոս , այլ  
 զմեռանիլն լաւագոյն քան զապրիլն , ՚ի  
 նահատակողիլն հայեցան և կատարե-  
 ցան . նոցա բանիւ գովօղք եղիցուք և  
 գործովք զանձինս մեր ՚ի նոցն նահատա-  
 կութիւն կատարել : Նասարակաց է ան-  
 հայր ամենեցուն , հասարակաց և մեք

պարտիմք որդիք լինել ամենեքեան , զի  
 մի է ժառանգութիւն զոր բաշխեաց ան-  
 նեցուն : Եւ շնորհն հաստ ու յերկնս և յերկնե  
 Իբրու կարէ ան զբոլոր մարդիկ երկ-  
 նաւորս առնել , զաղօթսն ՚ի մեր կամս  
 ընկենու , զի մեք երկրաւորքս մեղէն կա-  
 րեմք լինել երկնաւորք : Սէրին զօրք  
 ամենեքեան կամաց նորա սպասեն սիրով ,  
 լծեալք են ՚ի միաբանութի միառաւորե-  
 լով զանձ , և յահագին միառաց նր ծած-  
 կեն զոտս՝ և զերեսս , զի յինքեանս  
 սիրեացեն զանձ , մոխանակ աջօք տեսա-  
 նելոյ՝ զսէրն բաւական համարին յանձինս  
 իւրեանց , ՚ի սոցա սիրելոյն և ան ըզ-  
 կամս իւր սիրով ՚ի նոսա կատարէ : Սի  
 միութասցուք մարմնաւոր աջօք տեսանել  
 զանձ , զի մի ծախիցիմք տարածամ . սէրն  
 մեր լոյն ՚ի մէնջ առ նա պատգամաւոր ,  
 և ՚ի սիրոյ նորա կատարեացին կամք նո-  
 րա ՚ի մեզ : Սոր ինչ ուսուցին մարգա-  
 րեքն զայնր հետ միութասցուք երթալ .  
 քանզի և նորա բանիւք խօսեցան և գոր-  
 ծովք կատարեցին . ոչ ալ ոք էր ն՞ վար-

դապետ • այլ որ քեզ աղօթս ուսոյց •  
այլ և դու բանիւ ուսիր զաղօթսն • և  
գործովք փութա՛ կատարել • ոչ հեռի  
ես ՚ի հրեշտակաց • այլ ի նոսա կաս յա  
ղօթս • ընդ նոսին փառաւորելով զած •  
Որպէս դու ընդ նոսին միաբանիս՝ նոյնպէս  
և նոքա ի քեզ երգակից լինին յաղօթ  
սըն և յօրհնութիւնսն • համարձակ բա  
նաս զբերանդ և ասես • Աշխտե՛ն հո՛մ • և ու  
ղե՛ս յերկե՛ն և յերկե՛ն •

Մեծ է այս իշխանութի՛ք քան զառաջին  
օրհնութիւնսն • անդ ՚ի վերայ երկրի միայն  
տիրել իշխանութեամբ • աստ և յերկինս  
և յերկրի •

Օ հայ Տէր հանապազորդ Գնձ Տէր •

Օ երկրաբոյս հացս ան առանց աղաչե  
լոյ՝ աննեցուն շնորհէ առ հասարակ • լի  
այնմ • զմարդիկ և զանասունս կեցուցա  
նես դու ար • Այլ ոպ մարթի ասել սա  
և հանապազորդ իսկ չէ • տղայութի ար  
գելու • հիւանդութի կարճէ • կարօտութի  
խափանէ • մահ քակէ և ՚ի բաց հատա  
նէ • հարբն ձեր կերան զմանանայն յանա



պատին և մեռան, այսէ հացն ճշմարիտ՝  
որ յերկնից իջեալ է, յայսմ հացէ ե-  
թէ կերիցէ որ՝ մի՛ մեռցի յաւիտեան :  
| Իսկին ՚ի նմանէ զբանն՝ ոչ կարէին վաղ-  
վաղակի ՚ի միտ առնուլ՝ կրկնէ և երեքի-  
նէ զնոյն բան և ասէ, զի դիւրաւ լուի-  
ցեն, և հաւատովք ընկալցին զբանին  
զօրութիւն, ես եմ ասէ կենդանի հացն  
որ իջեալ եմ յերկնից, յայսմ հացէ որ  
ուտէ, մի՛ ճաշակեսցէ զմահ, զայս հացս  
ուսուցանէ յալօթսն խնդրել յայ՛ հա-  
նապաղորդ : Ի թէ քաջ միտ դնես՝ որ  
զայս հացս սրբութեամբ ուտէ, և իմ արժա-  
նի սմա պատրաստէ զանձն իւր՝ երկ-  
րաւոր արքայութեան նա ոչ կարօտանայ :  
Ի մահկանացու ձեռս անմահ հացերէլ  
անդէն վաղվաղակի և ձեռքն անմահա-  
ցան, և ուտելով զսա բոլորովին մարդն  
չնչով և հոգւով և մարմնով հոգեա-  
ցաւ, և բաժանակից եղև քնի, միայն  
սկիզբն զօրութե մինչև ՚ի վախճան անա-  
բատ պահելով : Չիք ինչ յերկրաւոր չար-  
չարանաց որ նմա յալթէ, օբհամարեալ

է առաջի նորա արծաթ, և ոսկի ատե-  
 ցեալ է յաչս նորա : Հյաւ համարի զմե-  
 ծուծի աշխարհիս : վասն զի խորհուրդ-  
 իւր սրբեցան յազատութի : Երկնաւոր  
 անմահ հայիւն առ լցաւ : նոյն եղև բա-  
 ւական ամենայնի : Եթէ տղայ է , կա-  
 տարեւահասակ երևեցաւ : Եթէ ՚ի ցա-  
 ւոց տկարացաւ , զօրութիւն այ ՚ի նմա  
 բնակեցաւ : Եթէ վախճանեցաւ ՚ի կե-  
 նաց աշխարհիս՝ զանմահ կեանսն ի իւր  
 տարաւ առ անձ : զայս ուսուցանէր ար-  
 մեր յազօթսն աղաչել առ ինքն : ( ) Հոյ  
 Տէր օր ըստ օրէ Գուր Տէչ , ոչ յերկրէ , այլ  
 ՚ի տննէ , յայտէ , թէ և ոչ յերկնից՝  
 այլ զաւրն ամենեցուն : Եյս է ասէ իմ  
 մարմն , և այս է իմ արիւն : Թէպէտ և  
 անփշրելէ էր , վն սիրոյ քո փշրեցաւ : և  
 զքեզ որ ՚ի կամս քո փշրեցար՝ անփշրել  
 անձուքն յինքն յարեաց : Ենմահ անձուքն ( ոչ  
 թողցես զանձն իմ ՚ի դժոխս , և ոչ տա-  
 ցես սբջ քում տեսանել զապականութի )  
 յուրբաթու խաչեցաւ ՚ի փշրումն մա-  
 հու : ՚ի միաշաբաթու զփշրեալ ոսկերսն

ադամայ ժողովեալ, յարեաց յանմահուի  
 և երևեցոյց բազմաց՝ ճշմարտութե և ոչ  
 առ աչօք: Մի օր հացացաւ ՚ի վերնա-  
 տանն, և հանապաղ հացանայ յեկեղե-  
 ցիս ՚ի վեր սեղանոյ: «Նախ՝ ինքն յինքե-  
 նէ ճաշակեաց, և ապա զմեզ զամենե-  
 սեան ճաշակակիցս արար նմին չարչարա-  
 նացն, նա ոչ այսուհետև ՚ի չարչարանս  
 է, այլ ՚ի հայրենի փառսն փառաւորի  
 ՚ի հրեշտակաց և ՚ի մարդկանէ, և զմեր  
 ամենեցուն զչարչարանս եբարձ յիւր ան-  
 չարչարելի անօր-թիւնն: Օչ այս յոյս հա-  
 ւատոյ մերոյ իբրև զխարխիս մի հաստա-  
 տուն պահեսցուք յոգիս և ՚ի մարմնս  
 մեր: ոմ սիւն շինուածոց է հաստատու-  
 թիւն, հաւատք մարդոցն են յանբակուի  
 առ անձ, որով համարձակութե կարէ բար-  
 բառիլ և ասել:

Թանձ յեշ շղարիս յեր՝ որդէս և յե՛ թողու՛նս յե-  
 լոյ գործարարաց:

Այս են աղօթք ճշմարտաբ բանական և  
 գործնական՝ յորժամ և դու ոչ պահան-  
 ջեացես զպարտսն յընկերէն քո առ քեզ

յայնժամ և ան զբոլոր յանցանս քո շն  
 նորհեսցէ քեզ յանմեղուի : Եւր պետ  
 բոսի զհարդ ուսաւ ՚ի տանէ : նա եօթն  
 կամեցաւ թողուլ զյանցանս եղբօրն , ան  
 մեր եօթանամսեկի եօթն : պետրոս իբ  
 րև զմարդ սահման եդ , ան մեր ոչ սակ  
 մանեաց զբարերարուի մարդասիրուի և  
 անութեն իւրոյ : հանապազ մեղանչեմք  
 քանիւք և գործովք մերովք , և ան տե  
 սանէ և զանց առնէ՝ զի երկայնմտութի  
 իւրով անցէ զմեզ յապաշխարուի : Չմե  
 զանչեն իսկ է մարդոյն ՚ի կատարեալ ար  
 դարուի : իսկ եթէ յանցեալ իբրև ըզ  
 մարդ , փութացի զըջանալ յապաշխարու  
 թիւն : բաց են դրուիք ողորմուի նր , ոչ  
 վա՛նէ լէ գեմ ապաշխարողաց , մանաւանդ  
 որք հաւատովքն գիտեն խնդրել : նոքա  
 և առաքինսք կարեն ձգնիլ ՚ի վաստա  
 կըս հոգևորս : նոքա ոչ միայն զպարտա  
 թողուն ընկերաց իւրեանց , այլ և զինչս  
 իւրեանց բաշխեն ՚ի կարօտեալս : զօրու  
 թիւն այ է՝ որ ձգէ զնոսա յառաքինու  
 թիւն : որպէս և առաջինքն առնէին : ար

39326-67

միանգամ ասէ զիւղից և ագարակաց և  
 ընչից տեարքն էին , վաճառէին զիւրա-  
 քանչիւր ստացուածս , և բերէին դնէ-  
 ին առ ոտս առաքելոցն , տէր ձեր զնո-  
 տա քարոզս բանին առաքեաց , նոքա քա-  
 ռոզք բանին էին և ընչից մատակարարք :  
 Չայն բանի՝ յունկն հասանէ , և սէր վեր-  
 նոյն առանց բանի ուսուցանէր զառա-  
 տութիւնն՝ ոչ զի աղքատանալ կամէին :  
 այլ զի այլում ձեռութեան հասցեն երկ-  
 նաւորինս՝ լըւ դու յորժամ ընկերին քո  
 թողուս զպարտսն , ոչ զի ասելով ասէ-  
 իր զիրսն քո , այլ զի սակաւ ողորմութի-  
 զոր արարեր՝ զբաշմապատիկ զպարտսն  
 քո զոր պարտէիր՝ եթող քեզ անձ : Կայսր  
 բանից զհետ երթիցիր՝ յորժամ ընկերին  
 քում թողուս՝ և թողութե արժանի է-  
 զէր , համարձակութեամբ բանաս զբե-  
 րանդ և ասես :

Ս' երբ շեշ 'ի իրճանիւն՝ օյլ իրիտ 'ի շուէ :  
 Ոչ են կամքն այ տանել զմարդն 'ի փոր-  
 ձութի , այլ ապրեցուցանել 'ի փորձու-  
 թէնէ և փրկել 'ի մահուանէ : զի որ յորձ



դին իւր ոչ խնայեաց ՚ի մահուանէ, այլ  
վս մեր ամենեցուն ՚ի մահ մատնեաց. նս  
վաւ զամենայն բարիս շնորհէ ամենեցուն  
որ ինդրէն ՚ի նմանէ, թէպէտ և ոչ է  
մեր կարողութի փոխարէն հատուցանել  
այ, որչափ կարն մեր է մի հեղգացուք.  
Սահաւաղեալութի մեր՝ ՚ի պահս համար  
եալէ, և չափաւոր արբուին՝ ՚ի գինեհա  
տութի. միջին հանդերձիւն՝ յանսիդու  
թիւն, հարկաւոր ստացուածք՝ յաղքա  
տութիւն. Սասն երանութեան՝ հեղա  
բան լինել. ընկերին ուսուցանել զցա  
ծութիւն. Ալ թէ անբուն ոչ կարեմք  
լինիլ, մի բնաւ զգիշերն քնոյ սացուք  
զանձինս, զի մի բնաւ մոռացկոտ լիցուք  
՚ի սաղմոսս և ՚ի յօրհնութիւնս. Ալ թէ  
զկարօտութիւնն աղքատաց ոչ կարեմք  
լցուցանել, մի պատառաւ և բաժակաւ  
կարօտեցուցուք զնոսս. Սի գտցի յա  
փրշտակութիւն որբոց և այրեաց ՚ի լս  
տացուածս մեր. Սենայն զինչ և իցէ  
մեր՝ նուիրեալ լիցի այ, յայնժամ և ան

ձինք մեր լիցին նմա պատարագ հաճոյ և  
ընդունելի : Ամենեցուն փութալ արժան  
է ՚ի պատուիրանս այ առնել և հատալ  
բել սրանց և հանանց՝ ազատաց և ան  
ազատաց : զի տէր մեր վասն ամենեցուն  
փրկութեան եկն :

Նմա վառք և պատիւ ՚ի յաւիտեանս  
ամէն :



Յ Ա Ռ

Խ + Ն Է Լ + Բ Ե + Ձ Ե

Ըր առեալ ամէին ասէ զյս ՚ի վանա  
ցն հայկափայ կապանօք առ պիղատոս  
և նաքա ոչ մտին ՚ի ներքս զի մի՛ պղծե  
ցին : Մեր իցէ սրբունին ձեր ո՛վք ահա  
նայք՝ զոր տաճարն ՚ի գինս վաճառեցէ  
լոցն պղծեցէք : զանձինս ձեր և զանսն՝

որ ձերձ էն՝ առ ձեզ, յանձնառու թէ՛ր  
 սբ արեանն պղծեցայք: Արդ՝ ընդէր ոչ  
 մտանէք յատեան անդ, եթէ արդարու  
 թեամբ լինի դատաստանդ՝ դա՛ ոչ արժա  
 նի մահու դտանի, և դուք արբեալ լին  
 նիք յարդար արեանդ: Իսկ տեղիդ զոր  
 յատակ այսպիսի սբ դարչապարօք կոխե  
 յին, և թէ յառաջագոյն ինչ ունէր զաղտ  
 անիրաւուէ, ՚ի ձեռն արդար դատաստա  
 նիդ՝ սրբեալ և մաքրեալ լինի ամ տու  
 նըդ ատենիւդ հանդերձ: Այա եթէ ՚ի  
 դատաւորիդ ինչ խորշիկք իբրև յան  
 թ ըլլիառ հեթանոսէ, ահաւաղ իկդայ առ  
 ձեզ արտաքս ելանէ, ձերձ առ ձեզ կա  
 լով առանց միջնորդի խօսի ընդ կարծե  
 ցեալ սուրբ քահանայապետիդ: Բայց  
 թուի ինձ յորմէ դուքդ խորշիկ՝ դորա  
 յառաջագոյն գիտացեալ ոչ միայն զպղծ  
 ծու թի՛ ձեր՝ սյլ և զվեճդ անիրաւուի:  
 Վանշի գիտաց իսկ ի՛նչ առ նախանձու՝  
 մտանեցին զնա, վասն որոյ կրկնէ և ե  
 բեքկնէ, և բազում անգամ հարցանէ՝  
 զինչ ինչ չալիս գործեալ է ասէ դորա՝



զի ածէք մատնեցէք զնա ինչ ՚ի մահ դռ  
տաստանի: Իսկ իբրև ոչ ինչ գտանէին ա  
մենև ին տեղի ամբաստանուէ, խռովուէ  
իմն մեծ ի պարս առնէին ՚ի գալիլէէ մին  
չև յերուսաղէմ: դարձեալ և թագաւոր  
բութ զբարտուի ՚ի վճ դնէին: Իբրև  
ետես ասէ պիղատոս եթէ ինքեանք ոչ  
մտին ինքն ել առ նս և ստգտանելով  
զնոսա լը միտս իւր ասէ: Այլ գիտեմ զի  
քահանայք էք և քահանայադէտք՝ և ոչ  
գիտէք սուտ խօսել, քանզի ոբք էք և  
՚ի ներքս անգամ առ իս ոչ մտանէք զի մի  
պղծիցիք, արդ՝ ասացէք զիս՝ զինչ չա  
րիս գործեալ է նորա, զի թողէք զուրա  
խուի պատուական տօնիդ ձերոյ, և իբ  
րև արդարուէ նախանձոտք վրէժ խնդ  
րէք ՚ի չարագործէ: գրով տուք ինչ զառ  
նըն զամբաստանուի: զի ըստ գործոցնր  
զդատաստանն հատուցից: ասեն ամենե  
քեան միաբան, մեք գիտեմք զի մահա  
պարս է ըստ օրինաց մերոց: Ըարկացաւ  
դատաւորն և ասէ՝ թուի ինչ թէ ճըշ  
մարտատեացք էք դուք: զիարդ կարեմ

զայր անձը առանց յանցանաց սպանանել  
առէք և ըստ օրինաց ձերոց ո՞վ և սովոր  
էք՝ դատեցարուք : Պատասխանի ետուն  
քահանայապետքն՝ և ասեն , մեր հրաման  
ունիմք յօրինաց մերոց չսպանանել զոք , Ե  
սէ դատաւորն , և ես երկնչիմ յօրինաց հը  
ռոմոց առանց յանցանաց դատել զարդար  
ոք , ասեն քահանայապետքն , մեր վկայեմք  
թէ մահապարտ է , քանզի խռովիչ է և  
զանձն իւր ՚ի թագաւորութի մատուցանէ :  
Եւ ասէ դատաւորն դարձեալ ցնոսա .  
ո՞վ է խռովիչ , յափշտակեալ է իբրև զա  
ւարակ , թէ բռնութիք իբրև զթագա  
ւոր , եթէ յափշտակող և աւարառու է  
յորովմ լերին բնակեալ է , և զոր ճա  
նապարհս պաշարէր , և զոր ճանապար  
հորդս կողոպտեաց , և զոր դաւառս հի  
նեալ աւերեաց , զինչ սա տարաւ ՚ի գե  
րութի , եթէ զմարդիկ՝ և զանասուն , ա  
ծէք զմնացեալ ոք յընտանեաց գերեւոցն  
զի ՚ի նոցանէ ես ճշմարտեցից . և եթէ  
զգանձս ուրուք առ բռնաբար , ընդէր  
ոչ ինձ յառաջագոյն բողոքեցէք , և եթէ

անի սասցեք՝ թաղաւորութի խուզէ զձեզ  
և հանէ ՚ի հարկաց կայսեր , ցուցէք  
ինձ՝ ո՛ւր են սպասաւորք դորա , և կամ  
քանի՛ զինուորս ունի , և որպիսի՛ սլառ  
բասառի՛ զինուց , որովք կարիցէ զդեմ  
ունել հռովմայեցւոց՝ հանելով զձեզ ՚ի  
ծառայութի՛ կայսեր : Իսկ իբրև տեսին  
քահանայքն , թէ յամ կողմանց՝ ած և  
արգել զնոս յանդատասխանատուութի .  
սկսան լրբենի դիմօք խօսել թէ դատաւոր  
րին և ասել՝ ո՛վքա՞ն դատաւոր , ի՞նչո՞ւ հա  
ւատաս արդարոցս , դու իբրև զմեզ տե  
սեր յատենիս , չէր արժան քեզ՝ այդպի  
սի բանիւք բազմօք քննութիս առնել .  
այլ միայն հաւատալ մեզ , և զինչ ասեմք՝  
վաղվաղակի կատարել : Երդ՝ իբրև ե  
տես դատաւորն՝ եթէ մմ բազմութիս մի  
աբան աղաղակեն և ասեն ՚ի խաչ հան .  
և եթէ ՚ի նա ևս ձգեն զբանս հայհոյու  
թեան վասն արբունի իրայն , վաղվաղա  
կի ջուր խնդրեաց , և լուացեալ զ՛եւս՝  
զանձն իւր ՚ի բաց թօթափեաց՝ առաջի  
մմ բազմուե՛ն ատենին՝ ասելով յանդիման

ան՝ քահանայից և քահանայապետիցն՝ գի  
 տասլէք ով հրէայք՝ քաւեալ եմ ես յա  
 բնէդ յայդմանէ՝ զոր դուք կամիք տարա  
 պարտուց հեղուլ՝ Առքա միաբան յանձն  
 առին՝ արիւն դորա ասէն՝ եթէ արդ ար  
 դարոյ է՝ ի գլուխ մեր՝ եթէ մարդարէի՝  
 ՚ի գլուխ մեր՝ և որդւոց մերոց՝ և ե  
 թէ որդւոց ան է՝ ՚ի գլուխ մեր՝ և յոր  
 դիս որդւոց մերոց՝ Յայնժամ արձա  
 կեացնոցա զբարաբբայն՝ զորդի աբեայ  
 և զսփ կալեալ ետ ՚ի ձեռս նոցա զի ՚ի  
 խաչ հանիցեն։ Այլ անբաւ մարդասիրու  
 թեն և անկշիւ մեծուէ սիրոյն ան, որ քան  
 զմիտս և զխորհուրդս անցանէ՝ ոչ միայն  
 քան զլմաստնոց մարդկան՝ այլ և քան զվ  
 բին զուարթնոցն։ Այլ որ հերկէ զեր  
 կիւ՝ զայլոյ մարմին կակղէ՝ և որ զարտա  
 քին սերմանեացն՝ մնուցանէ զբոյսս։ Իսկ  
 յիւ երկնայինն երկրացաւ՝ և կամօք եկն  
 ՚ի հերկումն և ՚ի կակղումն, և յիւր մար  
 մինն և բարձ զամ չարուէ մերոյ սերմանս։  
 Ի սբ երեսն ընկալաւ թուք ՚ի պիղծ և  
 ՚ի հայնջիւհբերանոյ՝ որ ամենամբ թքո

վրն՝ եբարձ զլուրուի հոգւոյ և մարմնոյ:  
 Րնկալաւ ապտակ ՚ի ծառայէն ծառայից՝  
 և ազատեաց զմեզ յապտակաց աներեւոյթ  
 հարուածոցն: Որ և ետես իսկ զազդն  
 հռոմայեցւոց կամօք եկեալ յօրէնսդրու-  
 թիւն: քանզի ՚ի միում միում տարւոջ՝  
 մի մի ծառայ արձակէն յազատութի, և  
 երբէք զանուն ծառայութեան ոչ կարեն  
 բառնալ յաշխարհէ: Այս զինքն յապտակն  
 որ էրն ազատ՝ և ազատիչ աճենեցուն՝  
 զի իւրով ազատութեն ազատեսցէ զմեզ ՚ի  
 ծառայութի մահու: Որում կամաւ տու-  
 աք զանձինս յանարժան ծառայութի,  
 և նովին կամօք վշաբոցս արարաք՝ ոչ մի-  
 այն զերկիր, այլ և զմարմինս իւրաքան-  
 ճիւր՝ մանաւանդ թէ և զոգիս սուսուել  
 քան զմարմինս: Այլեաց արմատաքի ըզ-  
 վուշ չարաչար բուսոց մերոց, և ոչ եթող  
 աստէն յերկրի, այլ բողբեաց կազմեաց  
 զօրէն պատուական պսակի, և եդ ՚ի դը-  
 լուխ: Այլ քանի չարութի մարդկան, կամ  
 որչափ բարեբարութի այ, այն որ պսա-  
 կեաց զքահանայան յոսկի և ՚ի զմրուխտ

և ՚ի բազում ականս պատուականս , զոր  
պատեաց զնս ՚ի զարդ ոսկեհունս պճզնա  
ւոր՝ և ՚ի զանգակաձայն հնչումն և ՚ի զար  
մացումն վակասին , փոխանակ այսմ ամե  
նայնի տեսանէս ձախողակի հատուցումն :  
զի ոչ միայն ՚ի փշոց պսակ եղին ՚ի գլուխ  
նր՝ այլ և եղէգն ձաղանաց յաջոյ ձեռին  
նր : Ըայց յոյժ զարմանամ լէ այս իրսս ,  
զիւրդ իցէ եղէգն ձաղանաց , Թուի լնձ՝  
Թէ ոչ այսօր բուսաւ եղէգնս այս՝ այլ  
յաւուրցն անտի էր յեսայեայ մարգարէ  
ին , ճրատ աղօտ ասէ մի շեջի , և եղէ  
գըն ջախջախեալ մի բեկոյի , մինչև հան  
ցէ զդատաստանս յիրաւունս արդարուէ :  
Լյս յայտնի է ամցն , լուսով ատեա՛ք ուղ  
ղին՝ և եղէգամբ գիր հաստատի , իսկ արդ  
ե Թէ ճրագն աղօտ էր յօհաննէս՝ ուր և  
էր իսկ ճշմարիտ , որչափ նց փայլէր՝ փու  
թացան շեջուցանել , այլ նա աւաւել քն  
զճառագայթս արեգականն՝ բացափայլ  
արձակեաց զնշուլ լուսոյն իւրոյ , Լւրդ՝  
բարւոք կատարէք զկանխագիր բանս միւ  
գարէին ձերոյ , այլ չարաչար ընդունիք

զիջնա դատաստանին յանձինս ձեր: Ազգէ  
գամբ մադիկ գրին, և արձակին յազա  
տուի ՚ի չարաչար ծառայուէ: և դուք  
աւագիկ երկրաբոյս եղեգամբ անձինս  
ձեռամբն անջինջ դեղով գրիք: և արձա  
կիք յերկնաւոր ազատութի ՚ի սանյական  
ծառայութի: ապա ուրեմն յիրաւի առ  
նուք զեղէգն ՚ի ձեռանէ՝ և հարկանէք  
զգլուխ Դր: զի երևեսցի թէ՛ անձամբ  
զանձինս հրաժարեցուցանէք ՚ի դիւոյդ  
յայդմանէ: որ պսակելոց է զամ սուրբս  
յանձամ պսակս յարքայուէն: Կար  
ձեալ ասէ՛ մատուցանէին նմա գինի ընդ  
լեւի խառնեալ: ձաշակեաց և ոչ կամէք  
ըմպել: և այս երևի մեծի սիրոյ տեղի:  
Այդին զոր փոխեաց յեդիպտոսէ բազում  
այտի խլեաց ՚ի քանան՝ և զնս անկեաց  
պարսպեաց օրինօք: և ամբացոյց զնոս  
մարգարէիւք: կացոյց նց թաշաւարս: վե  
րակացուս: և առաջնորդս: քահանայս  
և քահանայապետս: ուխտս և պատարա  
քըս: և նուէրս անձինս ՚ի տուէ և ՚ի  
գեշէրի: Այն ար աջգւոյն ՚ի ժամ պրտ

զոյն, ընդունելի նմանէ զճաշակ վայելե  
չուի գինւոյն: Վինին զբնութի անուշուէն  
ոչ փոխեաց, քանզի անուշին աջովն տըն  
կեալ էր այդին, լեղի ասէ խառնեցին ՚ի  
գինի անդր, և տային ըմպել: լեղին կա  
տարել գառնութի է, այս բերք ոչ անուշ  
ին տնկոյն էր, այլ գիւտք չարասէր մար  
դոյ, և նախանձոտ կամաց որք զանխօսն  
զանդանել կամին: (Տ) այս անուշն քեզ  
յանձն ոչ առնէ, քանզի ոչ եթէ սակաւ  
փոխառնեցին զլեղին, այլ սնչափ դառ  
նացուցին: ՚ի սբ լնութի գործոյն այլ զլե  
րեանց գառնութի թղացն խառնել կամէին:  
(Տ) որ և մարգարէն դաւիթ յառաջագոյն  
ողբալով ասէ, և տուն ինձ ՚ի կերակուր ըզ  
լեղի, և ՚ի ծարաւ իմ արբուցին ինձ քա  
ցախ: Արովհետեւ առատ էք ՚ի չարութի  
և կապեալք ՚ի բարեգործութի, և զայդ  
զկամս ձեր ոչ կատարեցից, ճաշակեաց  
և ոչ կամէր ըմպել: քանզի նոքա այնպէս  
կամէին եթէ հնար ինչ իցէ յոյժ կերիցէ  
զլեղին, և առաւել յոյժ արբցէ զբացու  
լսըն: Եւ եթէ ոք ասացէ, ուստի գի



տես դու զկամս աներևոյթս : մանաւանդ  
և զանգրեալսն : ՚ի պատմութի անտի իմոյ  
ցիր : Ում արդեօք երբեք ՚ի մարդկանս  
գտաւ ՚ի ժամ մահու լեղի և քացախ ՚ի  
մխթարութի : բայց միայն այսոցիկ , որոց  
տաւալսորդ և վարդապետ էր հայրն նոյ  
սանց : որք ի նմին իսկ ժառանգելոց են  
զպատրաստել տեղի երկոցունց կողմանց :  
Արդ՝ բարաբբայն՝ զոր արդարագոյն հա  
մարեցան : շնորհեցաւ նոյ ՚ի դասաւորէն :  
Աւայլ ևս երկուս աւազակս : որոց էին  
գործք նոյ չարութի : և դժնդակագոյնք  
քան զամ մահապարտաց : որք ՚ի յայնմ  
ժամանակի պահէին ՚ի բանտի դասաւոր  
րին : և ՚ի նմին աւուր դիպեցան ՚ի խա  
ջելութեն քոյն : մի ի աջմէ և մի ի յահէ  
կէ նորա : զի մի և մի բան ՚ի կանխագիտ  
մարգարէութի անտի վրիպեացի : Աւ եւր  
թային զհետ նոյ բաշմութի արանց և կո  
նանց : քահանայից և քահանայապետից :  
մեկնիչք օրինացն , և ծերք ժողովրդեա  
ննն՝ ախանատեօք լինել փութային մահ  
ուան անարգանաց կենարարին իւրեանց :

և յոյժ խնդուի էր մուկեկանայ՝ էթէ Պ  
 մէջ աւազակացն խաչեալի : Մինչ գեռ  
 փութային ՚ի հայհոյութին՝ կամէին լսել  
 և զնորին թնամանս ՚ի բերանոյ աւազակ  
 կացն : Բայց արդ՝ դու եկ յարեաց ՚ի լու  
 սաւոր տեղն՝ և մերձեցիր ՚ի խաչն արու  
 նական , և տես անդ զնոր և զճքնաղ գոր  
 ծըն որ գործեցան , երես փայտս կանգ  
 նեալս , և երես մարդս խաչեալս՝ սու հո  
 սարակ կան ՚ի միում պատժի , ոչ ոք քան  
 զոք ՚ի գիւրադոյն տեղւոջ , այլ մի քան  
 զմի ՚ի դժնդակադոյն հարուածս : Ի յայ  
 սըմ վայրի յոյժ հիացեալ զարմանամ , է  
 թէ ուստի դու աւազակն՝ ճշմարտուե  
 ջատագով , յայտնի ահամբ ետես և ոչնչ  
 զարմանալիս : Եւ աւազակոյն անչ գիտէր  
 զճշմարիտ վարդապետութի տուն , յիւրոց  
 գործոց ունայն էր յարդար վաստակոց ,  
 իմաստութի երկնային հեռի էր ՚ի նմա  
 նէն . քանզի ծնունդ էր մեղաց՝ և սնունդ  
 դառնուե : Այր մի ՚ի մանկուէ իւրիւն իւ  
 րե զմուկ վայրագ ելեալ ՚ի քաղաքէ , հե  
 քացեալ ՚ի մարդկանէ , առեցեալ զլոյս

տուհնջեան , և սիրեցեալ զնաւար գիշե  
բային . կցորդ էր բաղաբաւէր գողոց , և  
հաղորդ էր յափշոակող աւազակաց , խոր  
հուրդք նննդաւորք և գործք վառթարք ,  
բարեկամ անարդանաց և սիրելի լիտեաց ,  
ատելի զգաստից , և զազրալի ամբարե  
սէր մարդկան : Արսացեալ եղև 'ի դառա  
ւորէն և ըմբռնեալ , և լը արժանեաց  
իւրոց կայր 'ի պատիժս մահու : Այլ արդ  
զինչ ինչ խօսեսցի յընկերն սաստելով և  
զանձն իւր դատապարտելով . յանդիմա  
նիչ քահանայից գտանէր . ինչ թուի թէ  
և զդատաւորն յոյժ դարովէ միանդամայն  
և զատեանն կշռամբէ : Աայց զի ընկե  
բնն նր յանկակից էր , հայհոյիչ ժողովրդ  
դեանն . զի լը նյ նմանուե և սա սկսեալ  
հեգնելով ասէր . թէ արդա՛րև դու ես  
քս՝ փրկեա՛ զանձն քո , և զԱզ Է. քեզ .  
Խակ միւսն 'ի ձայն բարձր լու 'ի լու առա  
ջի ժողովորդեանն կադել սկսաւ Է ընկե  
րին և ասէ . յայն ոչ երկնջիս դու , նաև  
'ի մարդկանէս արժան է քեզ ամաչել .  
մեք լը յետո ընդ գէմ դնացից մերոց և

Զախողակի զհատուցումն ընկալաք, իսկ  
 սա՛ ընդէր, զի սորա չար ինչ ոչ էր գոր-  
 ծեալ, և ոչ ուժք ՚ի մարդկանէ ձեզու-  
 ցեալ: Այլ զայս նր՛ ասելով. ամբող-  
 մուի դատողացն ամաչեցեալ լինէր, և  
 դարձուցեալ աւազակն զբանս իւր ասէ՛  
 ար յն յիշեա՛ զես ՚ի դալատեան արքայու-  
 թեան քում: ( ) անունն ոչ գիտեմ զաւա-  
 զակին անորիկ՝ և աւազակ պատկառիմ  
 ասել, զի վերագոյն գտանի ոչ միայն քն  
 զբարեգործ որ ՚ի մարդկանէ, այլ և քն  
 զչոյժ խրատեալն յօրինաց՝ և ՚ի մարդա-  
 բէից: Աստի է քեզ այս ո՛վ յափշտա-  
 կող, ուր կաս, զո՛ տեսանես, կամ ընդ  
 ում խօսիս, կաս ՚ի խօջի, և տեսանես  
 զխաչեալդ, և խօսիս լը սն յսի, և լը  
 արքայի որդւոյ որ իշնէ արքայութե՛. և  
 բաշնէ զպարգևս աննեցուն: Իսկ արդ՛  
 զինչ ինչ տեսեր, միթէ կապրացոյց ըզ-  
 փայտ խաչին իւրոյ աւաւէլ քան զքոյդ.  
 ոչ աւաղ իկ տեսանես զփայտ չորեփուսի  
 ՚ի վե՛ վե՛ մի կանգնեալ, և զոտս և զձեռս  
 երկաթով բեւեւեալ. տիգաւորք շուրջ

պատեն , քահանայք հայկոյնն , քահանայ  
նաչապեօք դարուլեն , ծերք լսբուք ալ  
պըն առնեն , փարիսեցիքն սան հարկա  
ննն , ամբազմութն ժողովրդեանդ ալ  
զակեն ասելով՝ զայլս ազրեցոյց , զան  
ձըն ոչ կարէ փրկել : Կու ինքնին իսկ  
տեսանես եղէգն ձաղանաց , քաղախ լը  
լեղի խառնեալ ՚ի կերակուր և յըմպելի  
զհանդերձն մերկացեալ , զպատմութեանն  
վիճակեալ , մերկ զփայտէ կսխեալ , գլու  
լուխ ՚ի փշոյ պսակեալ , երեսք թքալից  
ճնօռք ապակեալ , և դու ասես իշէն  
զեն ՚ի գալտտեան աղքայութե քում : Եւս  
տի արդեօք ծագեաց լոյս ՚ի հոգի աւու  
զալին , յոյժ զարմացեալ եմ , և առա  
ւելքան զլոյժ սքանչագիլ ՚ի զարմացու  
մըն : Ի նազարէթ ոչ էր երթեալ , ծը  
նընդեանն ոչ էր տեղեակ լեալ . ՚ի հար  
աւնիսն զսա ոչ որ կոչեաց , ՚ի թահոյիւ  
բուղի գինւոյն չէր արբեալ . ՚ի նկանա  
կէ հացեն սորա չէր կերեալ . զմահիճա  
անդամալուծին ոչ էր տեսել . ՚ի գերեզ  
մանն զաղարու ոչ էր գնացեալ , զբողոք  
ե

գիւտցիւրկրին գերգեօացւոց չէր լուէլի  
 Աշուղն մի մի թուեցից յանուանէ : ո՞ր ու  
 նայն էր 'ի բարեգործուէ անձն նր, սոքս  
 պէս անտես և անլուր էր ամ նշանագոր  
 ծուէց ան մերոց : Ա՛րդ՝ փոխանակ այնք  
 փառաւորութեց՝ տեսանէր այր մի անար  
 գանօք և 'ի մահու խաչին : և խոստով  
 նէր արեւ յո որդի այ, և իշխան աչքայու  
 հօր փառաց : Ա՛հա՛ աներկբայ հաւատ ,  
 և անթերահաւատ խնդիր : Վէ՛յ և լուէ 'ի  
 քսէ արդարեւ ասեմքեզ, այսօր ընտ ի  
 ցես 'ի դրախտին : կարճառօտ խնդիր և  
 կամառօտ պատասխանի : Ահնիւ հաւա  
 տաց : Բանի բան պատասխանի : ( ) Ինչ  
 գոյր իւր 'ի ժամու անդ : զբարբ զինքն  
 էհէզ առաջի ան այ իբրեւ զաղքատ :  
 Բայց միայն մեծացաւ հաւատովք : Իսկ  
 այն ո՛ւ իբրեւ զմարդ, և ո՛չ իբրեւ զաղ  
 քատ : այլ իբրեւ զբարեբար առատ մե  
 ծատոն՝ բոլորապէս շնորհէ զբուն հայ  
 բենի տեղին : ոչ ուր ծառն մահու, այլ  
 ուր միայն ծառն կենաց : ոչ ուր անցանկ  
 անկն էր՝ ուր օձն սողեցաւ եմաւ : այլ

զոր ինքն ամ պարտպեաց ՚ի տէգ նիզակի  
իւրոյ հրեղէն շուրջանակաւ , զոր քերօ  
բէն ինքնին պահէր . զորոյ զցանկն ոչ ոք  
կարաց յարդարոցն խրամատել , ոչ աբրա  
համ , ոչ իսահակ , ոչ յահոբ , ոչ մովսէս  
ինքն օրինօքն . և ոչ մարդարէք քարազու  
թեամբ , ոչ քահանայք պատարադօք ,  
և ոչ ղւտացիք ՚ի պաշտօնս իւրեանց , ոչ  
հարք ճշմարիտք , ոչ թաբաւոյք արդարք ,  
ոչ դուսդք մարտիրոսաց , և ոչ վիճակք  
առաքելացն . մանաւանդ թէ ևս վերա  
դոյն ասացից , ոչ հրեշտակք , ոչ հրեշտա  
կապետք , ոչ աթոռք , ոչ տէրութիք , ոչ  
պետութիք , և ոչ իշխանութիք զդուռն դե  
րախօսին եթէ բանալ կարացին . բայց մի  
այն աւագակոս այս . Այլ յիւաւի ասացի  
թէ միայն աւագակոս այս է բաց զդուռն  
դրախօսին . քանզի ամ արարածք ՚ի ժա  
մուռն յայնմիկ ՚ի սուգ արամուէ էին . Ե  
րեգանն թագուցեալ , լուսին խաւարել ,  
ասուողք ծածկել , տիւ հեւացել , գի  
շեր մերձեցեալ , վերինք զարմացեալք ,  
նարբինք յիմարեալք , աշակերտք միախու

ցեալք, ծանօթք հեռացեալք, բարեկամք  
չարախօսք, և մերձաւորք թշնամանօղք,  
ամիւ թողեալ, ամիւ յետս կացեալք, մի  
այն սա մերձ կայցել խոստովանի: Այլ զառ  
ի ծննդէնէն ոկիզբն առնէր, և ոչ ՚ի մաս  
նաւոր նշանագործութե՛ բուռն հարկա  
նէր, այլ վերանայ լէ աստահան տեսակո՛  
ւ յաներեցթ յարքայութիւն հասանէ, և  
ասէ յիշե՛ա զիս յանչարչարելի գալտեա  
նընքո: Ար իցէ այն գալուսան, և կիմ  
ուստի՛ գայցէ, և կիմ վասն որո՞ց իրաց գոյ,  
և զինորդ գիտացեր դու ՚վաւազակի պատ  
մեա մեզ, որովհետեւ ընկեր եզեր մովսէ  
սի: Վու աւարիկ և քան զսինայ ՚ի վեր  
ամբարձար և զանմարմին տեսիլ տեսեր,  
թուի ինձ թէ հոգին սբ հանիդպեցաւ  
քեզ, և զհայրն բոլորեցունց տեսեր դու,  
և զոր մեծն պօղոս ոչ կարաց թարգմա  
նել մեզ զտարաստեալ պարգեան, դու  
յառաջագոյն մտեր և զայն ժառնգեցեր,  
Լուսչին պտուղն աւաչին ծառոյն՝ զմար  
դըն աւաչին սպան, իսկ աւաչին պտուղ  
ժառոյն զաւաչնորդն զմահ ՚ի յանձին ըս



պան • և 'ի մեռանել մահուն' առաջին պէ  
տուղ աւազակն կ'ընցաւ 'ի զօրութի խոյ  
չին • (Սկարդեօք հրէից քահանայք • և  
այլ ևս այդանիցէք զնաչդ • և կ'մ զնաչն  
ձաւէք • զի մինչ կամէիք լը անօրէնս սոց  
նանել զդա • յանօրինէ այտի օրինաւորքդ  
յանդիմանեցայք • և անօրէնդ' քն զօրի  
նաւորսդ գեր 'ի վերոյ գտաւ • Եւ զի այս  
այսպէս է ճշմարիտ • հայեա' 'ի տեղին • և  
տե՛ս զեղելուի գործոցն • որ անդ կատա  
րեցաւ • Վրանդի մերկացուցին զորն արա  
րածոց • զայն' որ գրեցոյց զերկինս զար  
դուք • և վիճակեցին զպատմութեանն զյն'  
որ առանց կշռոյ և վիճակի եդ որդւոց  
մարդկան զբեռն զարդուց 'ի ծովէ և 'ի  
ցամաքէ • Եւ ոչ արբուցին այնմ ջուր 'ի  
ծարաւին • որ մեծ բղխամբ բազմահոսն  
վտակօք առտանէր զամ երեսս երկրի •  
մինչև ասել նմա 'ի չարչարանս' ծարուի եմ  
Տէրն ովկիանոսի ծարաւի եմ ես ասէ • և  
ոչ միայն զի 'չտան զջուր • այլ փոխանիկ ջը  
րոյ քացախ լը լեղի խառնել մատուցնէին  
նմ' • Վրանդի ճնշի սիրտս • հեղձնուն օրիքս

փղճկին միտքս , և զխանդաղաւտանս մտիւն  
 մու ոչ կարեմ ասել . Վրան զի մինչ դեռ  
 կայր արն 'ի շտապ տադնապին , մտա առ  
 նմա կային ասէ մայր նորա , և քոյր մօր  
 նորա մարիամ մազդաղենացի , և այլ ևս  
 կանայք , որ յառաջագոյն հաւատացեալք  
 էին 'ի գալուստ որդւոյն այ . աչօք իւ  
 բեանց տեսանէին զԱԹ չարչարանսն , և ա  
 կանջօք իւրեանց լսէին զհայհոյութիւն , մա  
 նաւանդ իբրև լուսն 'ի բերանոյ նր' զի ա  
 սէր ծարաւի եմ . Իսկ արդ' գուք ձեզէն  
 գիտէք զբարս բնուե կանանց , թէ որ  
 չնի խանդաղատագոյնք ևն յողորմածութի  
 մանաւանդ առ սիրելի ծնունդս իւրեանց :  
 Իսկ արդ' զմինչ կարծես դու 'ի Ժամուս  
 յանմիջ վասն կանանցն այնոցիկ . զի թէ  
 հնար էր' դուեալ նոցա' ոչ միայն ամանօք  
 ջուր մառուցանէին նմա , այլ և յորդա  
 վտակ դնացս առ խաչուն անցուցանէին :  
 Իբրև այսպէս ոչ էր 'ի ձեռսն այ . կրծիցն  
 հարկանէին , զսիրտն կոծէին , 'ի միասն  
 ողբային , արտասուս բռնէին , վայս ան  
 ձանց կարդային , զմահ քն զկեանս ընտ

բէին : մինչ դեռ էին յձի , հարեալ զիւ  
 կանց նմանէին : Այն ախար ամի յառաջա  
 գոցն լուէլ պատասխանի 'ի անէ , զոր ողբ  
 լին ասէր 'ի վր ազգին ամ : դասերք եէմի  
 մի լայք 'ի վր իմ , այլ լացէք 'ի վր անձանց  
 և ուստերաց և դասերաց ձերոց , քնզի է  
 կեսցեն աւուրք՝ յորս ասիցեն , երնի ամ  
 լոց և ընկերաց աշնոցիկ՝ որ ոչ ծնան , և  
 տեանցն որ ոչ սնուցին , 'ի յայնմ ժամնա  
 կի ասացեն լերանց՝ անկերուք 'ի վր մեր ,  
 և բլոց թէ ծածկեցէք զմեզ :



Ճ Ա Ռ

Թ . 25 . 3 .

Այն ասէ յովէփ արեմաթացի , հա  
 մարձակեցաւ եմուտ առ դատաւուն , և  
 խնդրեաց զմարմինն յի : Իբրև լեւս ըզ

համարձակեցաւն՝ մի դուրսաբերայ համար  
բիցիս, այլ հոգւով և մարմնով չափ ճշգ-  
նեացուք, որով զի մեծապէս հաւատք  
պիտոյ էին՝ ի ժամուն յայնմիկ, քանզի ոչ  
իբրև զմարմին լոկոյ մարդոց բառնայր, օ  
այլ իբրև զմարմին որդւոյ այ:

Վարձեալ լի մարմնաւոր կարգի՝ ոչ մի  
այն ի ժողովրդէնէն էր նմա երկիւզ մա-  
հու, այլ ևս առաւել ՚ի դատաւորէն և  
՚ի զօրաց նորա, քանզի չեաժ զմտաւ թէ  
զինչ են խնդիրք առնս այսմիկ, զայր մի  
որ այնչափ բազմուի վիայեաց թէ մահա-  
պարտ է, և կորեաւ լի օրինի յանցաւո-  
րացն՝ և խաչեցաւ և մեռաւ, և սա ե-  
կել իբրև զանմեղի և ՚ի զուր մեռելոյ՝ իբ-  
րև զճշմարիտ վիայի այ զմարմին խնդրէ,  
դուրս և վալիւ ՚ի վր մեր հասանիցէ պա-  
տիժք պատուհասից, ճայսս մմ զմտա-  
ինչ ոչ էաժ այրս այս, այլ ո՞ր յառաջա-  
դոյն հաստատեալ էր ՚ի ճշմարիտ վարդա-  
պետսին քսի՝ ևս առաւել ՚ի մահուն հա-  
տատուն եկաց, և բարձեալ զմարմինն յի  
պատէր, ոչ ճեպով վարկաբարզի, այլ

յոյժ խորհրդով և զօրութի կտաւս սրտ  
 և պատուականս և ՚ի զմուռս բազումս  
 հանդերձ սնուշահոտ խնկօք և այս ղչ  
 արտաքոյ քան զնախախնամութի հողւոցն  
 սԲՅ լինէր : Ասե զուկին՝ զոր յառաջ  
 ընկալաւ ՚ի մոգուցն՝ փոխանակեաց ՚ի սրտ  
 կեր դահեկանին , ասելով ցորդիս ժողջ  
 վճրդեանն , որում կայսեր կերպարանս դը  
 տանի՝ այն նմա անկ է , իսկ յորում իմ  
 պատկերս և կերպարանս երեւի , այն իմ  
 է , ես՝ զլմ կենդանի պատկերս ՚ի կենդան  
 նի մարդոյ դէմս նկարեցի : Այս ոք բերե  
 յաշտարհի զնմանութի այ , բայց միայն  
 մարդն : Այ զոր սիրե ան ՚ի վն երկրի՝  
 բայց միայն զմարդ , ան միայն մարդասէր ,  
 և մարդ միայն անասէր , ան մարդոյ , և  
 մարդ՝ այ , վն մարդոյ ան մարդացեալ ,  
 և վն այ մարդն անացեալ , վն այսորիկ  
 ել թնջք և տնք զկայսերն կայսեր , և վաս  
 տուծոցն այ :

Օ այս պատարագս յառաջագոյն ընկա  
 լեալքսի՝ յերկրպագութի մոգուցն , զոր  
 կին սն աւացի ՚ի պատիւ թագաւորի :

Իսկ զմուռն և զինդրուին՝ ՚ի մահ վիրա-  
 ւորելոյ և թաղելոյ : Այլ որ պատեցան  
 ՚ի կտաւս ՚ի ձեռաց մարդկան , զի դու-  
 պատիցիս ՚ի զգեստ պատմուձանի փառաց  
 որդւոյն ան : ( ) մուսեցաւ դի մարմնոյ նր՝  
 որ է տեղուի անխախտելի մահու յեր-  
 կար ժամանակաց : զի զմուսեցէ զքեզ ՚ի  
 տեղուի՝ ոչ ժամանակեան , այլ յանմա-  
 հուի ՚ի նորոգումն հոգւոյն սբայ : Անկե-  
 ցաւ ի բրե զմարմին մեռեալսն՝ որ խըն-  
 կելոցն է զամ արարածս ՚ի հոտ անուշու-  
 թեան , որ բուրէ ՚ի լոյս կենաց : Այդաւ  
 ՚ի գերեզմանի նարում , յորում ոչ որ էր  
 եղեալ : արդ՝ փոխանակ գերեզմանիդ՝  
 տարցէ զքեզ ՚ի քաղաքն երկնաւոր , որ  
 առանց ձեռագործի կազմեալ է , և եղ-  
 եալ վէմ մի կափարիչ դրան գերեզմանինս  
 և գնաց : Աարւոր առնես ով տէր յով-  
 սէփ որ լինիցիս ճշմարիտ վիայ մեծի թաղ-  
 մանն ան , քանզի դիտես զգժտուի ազ-  
 գի քո , եթէ գուցէ յուրաստ լինիցին  
 վաղիւն՝ եթէ բնաւ իսկ ոչ եղաւ ՚ի գե-  
 րեզմանի : Վասնզի բազումք են՝ որ սը

տեն • բազումք էք և դուք՝ որ ոչ գի-  
տէք ստել : Արիողեմոս գործակիցքո  
դա՛ է ճշմարտագոյն՝ որ լը ան եմուտ ՚ի  
քննուի բանից • քանզի վկայ է քեզ փո-  
քողք գերեզմանին • վկայ է քեզ և վա-  
ճառական կտաւոցդ • վկայ է և հարիւր  
լեար զմուռն • վկայ են քեզ և դիազարդ-  
քն՝ որ խնկեցին զմարմինն տէրունական •  
վկայ են և ձեռք օգնականացն՝ որ զվե՛ն  
յեցուցին ՚ի դուռն գերեզմանին • Եթէ  
արժան իցէ նմա գերեզման ստել եթէ  
ոչ յարուի կենաց : Ավ ար յովսէփ յիշեցի  
և զմեծ վկայն քո զդատաւորն • առ որ  
չդբարն և խնդրեցեր իշխանուի բառնալ  
զմարմնդ • իսկ արդ՝ այդ զխարդ իցէ ե-  
թէ ամենեքին լը նոսա միաբանեցին ՚ի սը  
տուի • յորժամ դու զյարուցեալն ՚ի մեջ  
ունիցես • զնչ ունիցին խօսել • Եթէ պըն-  
դել յամառեսցին լը դէմ՝ որպէս և սովոր  
իսկ են • ասացէք ցնոսա՝ Եթէ ո՞յ կապա-  
նօք ետուք ցպիղատոս • և պիղատոս ցը  
զինուորան • և շինուորք ցիաջն • և խա-  
ջն ցգերեզմանն • արդ՝ ձե զյընտիր լուի

ցի , թէպէտ տուք ցիս 'ի գերեզմանէն  
զմեռեալն , թէպէտ առէլ ընկալայք ըզ  
մեռեալն՝ զնոցն ինքն զյարուցեալն : անպա  
եթէ մի յայսցանէ ոչ առնէք՝ ձեր այլ ինչ  
գործ ոչ դոյ , այլ հրաժարիլ և 'ի բաց  
գնալ 'ի յարուցելոյն , զոր և արարիքդ  
իսկ :

Արդ՝ դու տէր յովսէփի՝ խնդան յ ուրախ  
լեր , քանզի մեծ էր յովսէփն տուալին՝ ար  
դարև մեծամեծ յայտնուէց արժանի , 'ի  
յովսէփայ 'ի յովսէփ ձգեցաւ մեծութիւն :  
" Եւ սա վկայ անարատ ծննդեան սբ կուսինս  
և սա թաղման սորին , զի յերկուց վկայ  
ից հաստատեսցի ճշմարտութիւն , երևես  
ցին և այլ բազմութի վկայից լուսաւոր  
յարութե նորա : Ղարձեալ ասէ , եկին  
քահանայքն առ պիղատոս և ասեն , տէր  
միշեցաք՝ զի մոլորեցուցին այն ասէր մինչ  
կենդանին էր , թէ յետ երից աւուրց  
յառնեմ 'ի մեռելոց , արդ հրամայեա՛ զի  
պահեսցեն զգերեզմանն սբ , գուցէ դաւ  
ինչ յաշահերտաց լինիցի , և բազումք  
զհետ համբաւոյն մոլորեսցին : Ասէ պի



զատոս՝ տուել եմ ձեզ դաս մի՛ ՚ի զինուո-  
 րացն՝ երթայք զգուշացարո՛ւք որպէս դի-  
 տէք : Եւ զայս հրաման առեալ ՚ի դա-  
 տաւորէն , կիւքեցին զգերեզմանն մատա-  
 նեաւ յերկուց կողմանց : Այլ մուտալ և  
 յիմարեալ ձրի նախահոգակի քահանայք ,  
 բարւոք առնէք՝ զի զգուշանայք , որք  
 զանձինս ոչ կարէք պահել՝ և դուք զար-  
 տուղի էք ՚ի ճշմարտունէն , և նմա մուռ-  
 րեցուցիչ կարդայք : Եւ ուստի՞ գիտէք  
 թէ մուռրեցուցիչ է այն , և ոչ արժան  
 իսկ է ամենեցուն ձեզ ցուցանել զճշմա-  
 րիտ ճանապարհն : Թերևս այսանիցէ՛ք  
 դուք զմոգան՝ որք մուռրեցուցին զհերու-  
 դէս , քանզի և օգուտ իսկ չէր զնա կա-  
 ցուցանել ՚ի վրձնարիտ ճանապարհին :  
 Յիշեցաք ասեն զմուռրեցուցիչն զայն .  
 Թուի ինձ թէ այլ ընդ այլոյ տայք զպա-  
 տասխանիդ , մուռրեցուցիչ արժան է ա-  
 սել ձեզ նմ , որ մուռրեցոյց զձեզ զԹի-  
 րեալսդ , ոպ ասեն՝ մուռրեցոյց զնոսա յու-  
 նապատի , և ոչ ՚ի ճանապարհի : Եւ առ-  
 ինչարդե՛ք ասիցէ ՚ի հոգւոյն սրբի . հո-

գեղիւր պատմութիւն յայտ առնէ • առաջ  
նորդեաց նոցա լէ փղիշտ լէ կարճոյ ճանապարհն •  
այլ շրջան առին յանապատին ամս քառասուն • զի ամ յանցաւորութի նց ըս  
պառեցի յանապատի • և ապա խրատեալք  
արժանի լիցին մտանել յեղիւրն պարզեաց •  
Լիւ ես կարծեմ մոլորեցայք դուք՝ ոչ յա  
նապատի • այլ ՚ի ճանապարհի քաղաքամի  
ջաց • ոչ յեղիւրէն խոստմանց՝ այլ ՚ի անէ  
երկնի և երկրի • Այլ արդ՝ եկեալ առ  
դատաւորդ զնա մոլորեցուցիչ կարդայք •  
Եթէ մոլորեցուցիչ է թո՛ղ տուք • ոչնչ  
պարտ է կասկածել ՚ի բանից նորա • ապա  
եթէ զոր յառաջն առնէր ճշմարիտ էր •  
և ոչ կարէք յուրաստ լինել • նա թէ և  
լինիք ևս • նոքա բազմադոյ՛ք ենք ան ըզ  
ձեզ • որ տան վկայութի նշանագործութեան՝  
ոչ միայն կենդանիք ողջացեալք ՚ի ցաւոց •  
այլ և հրաժարեալք մահուամբ • և այս  
բէն դարձեալք • և ոչ միայն որդիք ազ  
դին ձեռոյ այլ և բազումք ՚ի հեթանո  
սաց • և բազումք ՚ի դիւաց • Արդ՝ եթէ  
Պոքա ամենեւին զնա մոլորեցուցիչ ոչ ա

սեն, այլ դարձուցիչ մուտրեւոց, ասպա է  
թէ ձեզ միայն թուի մուտրեցուցիչ, եր  
թայք զգոյշ լեւո՛ւք՝ գուցէ զեղծցիք, և  
ասպա այլ ընդ այլոյ յետոյ ևս պատճառս  
խնդրէք, ահաւաղիկ դատաւորդ առ  
ձեզ բարերար երևեցաւ, զամ զոր ինչ  
և սուացիք, զկամս չարութե՛ն ձերոյ կա  
տարեաց: Ալ աշդ՝ ոչ մի կամ երկուս  
ետ ձեզ օգնական, այլ բովանդակ դաս  
մի զխուորաց և զգուհոսն՝ ոչ եթէ հասա  
րակազոյզս, այլ ՚ի ձեռն առաջնորդի՛ և  
պետի, որ է մեծ և հաւատարիմ դատա  
ւորին: Ալ երթեալ ամ պատրաստութե՛ն  
կնքեցին զգուռս գերեզմանին դասու  
հարդերձ՝ մատանեաւ իւրեանց, և ին  
չեանք զտեղի առեալ մեծաւ զգուշութե  
անքուն պահելով՝ զի մի նենգ ինչ ուստեք  
լինիցի ՚ի յսէ: Ամաստունք, մանաւանդ  
թէ և յոյժ մորօք, եթէ յառնել կամի  
ի մեռելոց՝ ասպա առնել զամ ինչ կարօզ  
է, զգուռս գերեզմանիդ ոչ բանայ, և  
զինքեդ ոչ բեկանէ, և զանձն ձեզ ոչ  
ցուցանէ, դուք զեւրդ կարիցէք գիտել

Եթէ յարեալ, զոր ՚ի ներքս ՚ի գերեզմա  
 նիդ աւանդեցիք, այլ քանզի Թանճրա  
 միտք էք, և առաւել Թմբեալ սրտիւք :  
 Տամարեաց եթէ զինուորդ անտեղէակ  
 իցեն իբրև զարտաքինսն, և ոչ զներքին  
 սըն, դուք որ այդչափ տեսիք մեծամեծ  
 սքանչելիս ՚ի Ժամ մահուն դորա, տակո  
 լին ատչեալ էք և ոչ իմանայք. Թէ որ  
 զերկինս շարժեաց, և զերկիր դըրդեաց,  
 զհարդ դուք կարէք պահել զնա. բայց  
 եթէ պահիք դուք նովալ, և զինուոր  
 ցըն մեղադիր ոչ կարէք լինել, զի սպա  
 սաւորք են դատաւորին՝ հարկաւորեալք  
 ՚ի կատարել զհրամանս նորա :

Այլ քահանայքն և մեկնիչք յոյժ արտոյ  
 ուելոյ արժանի են, զի մտորեալք են. զ  
 վեմ ՚ի վեմ յեցողեալ, և զվեմն ՚ի ներ  
 քս արդեւեալ. մանաւանդ Թէ զարար  
 չըն երկնի և երկրի, և մատանիս ՚ի վե  
 բոյ եդեալ, և պահապանացն զգուշացո  
 ցեալ :

Տեսանէս զիմարուին, դու քոյոյ մը  
 տացդ պահապանս ոչ կարես լինել, մինչ

կաս ՚ի սուրբ տեղւոջ՝ գտանիս յանարժոնս  
տեղևս՝ կաս ՚ի քաղաքի այդը՝ և գտա-  
նիս յիտալեա՝ գործես ՚ի ցամաքի՝ և ՚ի  
Տովու՝ ՚ի ցամաքի նստիս՝ կաս ՚ի վերկ-  
րի՝ և ՚ի վերայ երկնից երկրի շրջև ընդ-  
գունդս հրեշտակաց՝ Քայց վս՝ ձեր գի-  
տեմ՝ զի ոչ կարէք նայել և համբառնալ  
զաչս ՚ի բարձունս և տեսանել զգունդս  
հրեշտակաց՝ այլ հանապազ գեսնագարչ  
սստէն սողելով նմանեցայք անդ բախարհն  
հօրն ձերոյ՝ սսնյի՝ զի ոչ միայն հողակեր  
էք՝ այլ և հողահերձք ՚ի հողիս և ՚ի մար-  
մնս ձեր՝ վսյ և ոչ գիտէք զնչ գործէք՝  
Մյլ ոսյ յամի յամօթ եղէք առաջի գատա-  
ւորիդ և ամ ժողովրդեանդ՝ և ս առա-  
ւել լինելոց էք և առաջի զինսուրացդ՝  
որք պահեն զգերեզմանդ՝ զի յորժամ  
զձնարիան դոքա ձեզ դատեցեն՝ ան-  
կանէք ՚ի վարանս տարակուսի՝ սուտ ոչ  
կարէք առնել վասն զի հաւատարիմք են  
յայտնեալքն՝ և արդարացուցանել գուք  
ոչ կամիր՝ քան զի կոյր աչօք էք ՚ի գատա-  
ւորիդ և ՚ի ժողովրդոցդ՝ միանգամայն և

Եւ արդ՝ զի՛նչ ինչ գործեցիք՝ է  
 զուկ ձեզ՝ վայ անձանց ձերոց՝ չիք ձեզ  
 մխիթարուի՛նք և ո՛չ տեղի ապաւինուի՛նք՝  
 Բայց թէ՛ ՚ի նոյն ինքն ապաւինի՛րիք՝ զոր  
 սպանիքն և թաղեցիք՝ և քանզի մարդա  
 սէր է ընդունի և ո՛չ յիշէ զառաջին յան  
 ցանսն՝ Բայց ես գիտեմ՝ զի դուք ո՛չ  
 առնէք զայդ՝ զի չէք արժանի՛ր՝ այլ անդ  
 բէն ՚ի տաճարն ընթանայք՝ զի դեռ ևս  
 կան կարծիք սուտ յուսոյ՝ Եւ իտեմ զի ՚ի  
 խորհուրդս մտանէք՝ և մի ոք ձեր ընթաց  
 նան յարժա՛նն նզովէալ՝ զարժաթդ կո  
 րուսանելոց էք՝ Է նմին և զանձինս և  
 զսննեսին ուրք լուիցես ձերոց մոլորու  
 թեան՝

Այլ արն մեր յո՛քս զառ ՚ի ներքոյ արե  
 դահան զամենայն զիրկական գործսն կո  
 տարեաց՝ և ՚ի սուրբն կողմն երկի իմ  
 զօրութիւնս իւրով խաղաց գնաց իջանել տե  
 սանել զզօրութի մահու՝ և մխիթարուի  
 տալ ադաթեան զաւակին՝ ուրք յուսանա  
 ցութիւնսն ՚ի խաւարի և ՚ի ստուերս  
 մահու՝ Այլ իբրև եհաս յամուր պարից

պրն դժոխոց՝ և յերկաթի պղնձանի գ  
դուռնն , ձայնն ահեղ մեծ կարապետին  
զպարիսպն առ հասարակ դղրդեալ կոր  
ծանեաց , և զօրուի կենդանի հրոյն՝ ըզ  
կարծրանի գ դրուսնն ուղ զմով հալեաց և  
սպառեաց , և ճառագայթ ինքնածագ  
լուսոյն՝ առ հասարակ սփռեալ տարածե  
ցաւ՝ ի գոդս և ՚ի խորշս անմատոյց ամուր  
վայրաց նորա , մաշեցաւ և սպառեցաւ  
Թանձրամած խաւարն , և երևեցաւ մերկ  
խայտառակ զազրատեսիլ խաւար սանդա  
րամետակահին առաջն զօրու թեանն այ :

Տայն թամ մահու զճիչ առել , զաղաղակ  
բարձել լայր դառնապս , գոշեր բարձր  
ձայն և ասէր , ուղէ սա՛ որ եկն եմուտ յան  
մատոյց ամուրս իմ , մերկեաց զիս ՚ի բնա  
կան խաւարէն՝ և ՚ի զդեստէն իմմէ , և  
այլ իմ ՚ի տապոյ ահագին վառաց սր , ոչ  
մնաց ինձ խորշ խաւարի , ոչ մութ գիշե  
րոյ , ոչ դաշտ փախստեայ , և ոչ լեռն  
ազաւինի , և ոչ ծործոր թագստեան ,  
չէր հեռաստան թէ փախեայ , և ոչ խոր  
խորատ մատաւորական կայցէ : Անդուն

դըք աղաղակեն՝ թէ աստ է • և լեւրինք  
 ույ մում հալին առաջն երեսաց նորա • դե  
 բեաց զամ տարտարոսս իմ • դողացոց զամ  
 զօրս խաւարայինս • սարսեցին ամ ձախոց  
 մանկուհիք իմ : Այլ զինեւ , եղուկ եմ  
 ես • կողոպտեաց զգանձս իմ , յաւարի առ  
 զամ մեծութս իմ • ոչ եթողինձ յոյս մխի  
 թարութեւ և ոչ զմի որ յիմոց սեփհակա  
 նացս : Այլ արդեօք իցէ սա , զի ես ոչ գի  
 տեմ • եհովք և եղև աստ ոչ եկին • աբ  
 բահամ և իսահակ և յակոբ ընդ իս զայս  
 ոչ արարին • նոյ և յաբէլ և ամ արդար  
 քըն՝ ի ինեւ անկեալ դնին : Մովսէս և  
 ամ մարգարէքն ինձ հնազանդեցան • մե  
 զիսեդէկ և ամ թագաւորք արդարք յե  
 նէն ոչ ապստամբեցին • և զի մի մի թուե  
 ջից յանուանէ զամ ազգս արդարոց : Այ  
 հա՛ ի սկզբանէ մինչև ցայսօր արդարք և  
 մեղաւորք , հզօրք և տկարք , ծերք և  
 երիասասորդք , նաև որք ոչ տեսին զայս  
 արխարհս՝ և կամ զլոյս սորա , առ իս ժող  
 ղովեալ են աժնեքեան • և ի իմով իշխու  
 նութիւն կան հնազանդեալ : Ասկ ոյլ իցէ



սա՛ , տայր որ ինձ գիտել՝ եթէ զտեղին  
 կարէի գիտել՝ թէ՛րևս հնարս ինչ իմա-  
 նայի՛ , թէ՛ յերկրէ՛ է ապա և զգաւառն  
 իմանայի և զսզգատոհմն : Ս) Բնութիւն  
 զոր տեսանեմ , լը ամ ազգատոհմի մարդ-  
 կան բերէ զնմանութի՛ , մանաւանդ զթիւ-  
 մասանց մարմնոց ոչ աւելի և ոչ պակաս  
 գտանեմ , այլ լը ամի և զտրայն՝ Բայց  
 յերեսաց սորս կարի իմն զարհուրել եմ՝  
 զի թէ յիջանելն սր առիս՝ զբազումս կոր-  
 զեաց՝ և եհան յինէն , վայ է ինձ՝ եթէ  
 սա՛ անդրէն ելանիցէ՛ երկնչիմ , թէ՛ զամ  
 բնաւ իսկ ընդ իւր տանիցէ՛ , և ես յե-  
 մուսմս միայն մնացից : Կ) աւ յանձնէս մեծ-  
 երկիւղ է ինձ , զի ոչ միայն զիմս հանէ  
 յինէն , այլ և զտեղի խաւարիս ոչ թո-  
 զու ինձ , ոսկ և ես իմանամ՝ յայտմ խա-  
 ւարէ՛ յայլ խաւար առաքելոց է զիս , և  
 երանի թէ այսպէս էր խաւարն՝ ուր զիս  
 տանելոց է , այլ եթէ այսպէս էր՝ նա ապ-  
 տի ոչ հանէր զիս : Լ) յլ և արդ՝ ահա՛ յայտ-  
 նի եղև , զի ոսկ ոչ գիտացի զգաւառն նոց  
 քա՛ , նոցնպէս և ոչ գիտեմ զխաւարն աւր

զիս տանելոց է : Քայդ չար ևս այս է  
բան զամ, ոպ երևի ինձ, զի ոչ միայն վն  
արդարոց եկեալ է սա՛ այսր, այլ և վն  
մեղաւորաց, և եթէ ածէ և համար առ  
նէ 'ի մէջ, և պահանջէ յինէն զոսկերս  
վախճանելոցն որք առիս են, թերևս կո  
րեմ տալ, իսկ եթէ զենովք և զեղիա  
յինէն խնդրիցէ, և զայս ևս այլ արաս  
ցէ լինս, յայնժամ է ինձ վրանդ տադ  
նապի, և վարանս տարակուսի, զի ոչ  
գիտեմ եթէ ուր փախեաց 'ի նմանէ :

Արդ՝ իբրև այսու ամենայնիւ մահ յան  
ձըն իւր դառնու թք տաքնապէր, և ոչ  
յուկեքէ գտանէր բան մի թարուի, դը  
ժ ոխք ետուն պատասխանի մահու, և ա  
սեն, զբնուի դորա գիտեմք, և զազա  
տահմ դորա ճանաչեմք, դա է վասն որոց  
յառաջ ասաց հոգին ոք մարդարեիւն,  
համբարձէք իշխանք զգրունս ձեր 'ի վեր,  
համբարձցին դրուք յաւիտենից, և մտցէ  
Թագաւոր փառաց : Ալ և եթէ կրկնեա  
ցես, և երեք կնեացես, և եթէ բա  
զում հարցես՝ զնոյն լուիցես, տէր զա

բուժեց սա՛ ինքն է թագաւոր փառաց ,  
Եբրե լուաւ մահ զտէր անուհն զհղօրն  
և զյաղթօղն ՚ի պատերազմի , և թէ ՚ի  
կռիւ եկեալ ընդ իշխանին մահու : լու  
ծաւ լբաւ բեկաւ ամ զօրուին , և հա  
տաւ յոյս իշխանուէ նորա : զահի հարեւ  
յի բեսաց նորա ճեպէր փուժայր փախչիլ  
թագչիլ յահէ նր , և տեղի ոչ գտանէր :  
Չայն բարձեալ յաղէրս մեծ՝ աղաչէր և  
ասէր . գիտեմ զքեզ յիսուս նազովրեղի ,  
դու ես սքն այ . մի յառաջ քան զժամա  
նակն տանջէր զմեզ : Երդ՝ իբրև բեկ  
ուեաց զնա բեկուօք , և կոպեաց զոտս  
և զձեռս նորա ընդ զօրուին անգարտելի  
խաչին . եւ իշխանութի ամ մարդկան որք  
խաչելոյն երկրպագանեն հաւատովք և կո  
տարեն զպատուիրանս ան բանին՝ գնալ ՚ի  
վերայ իժից և քարբից , և ամ զօրուեց  
մահու . և էսու աւար բաղում , և բաշ  
խեաց ամ հաւատացելոց :

Եւ մինչ արն զայս ամ նահատակուին  
կատարէր , պահապանքն ՚ի քուն կային ,  
և քահանային զեղեգն և զբաղարչն աւ

տէին : Իսկ արն կանխագոյն քան զասա-  
 ցեալ ժամանագորուն յարուցեալ և հը-  
 բեշտակացն երեւեալ, այլ ոչ գգեբեզմանն  
 խախտէ, և ոչ զդուրս բանայ, և ոչ  
 զմատանին բեկանէ, և ոչ պահապանացն  
 յակն անկեալ : Այլ քանզի կամս աննա-  
 խանձ ունին հրեշտակք, և սէր սբ. ա-  
 ռանց ստուէ, փութային զաւերութիս տալ  
 կանանց՝ ոչ միայն բանիւք, այլ և աջք  
 տեսլեամբ : Այլ աղվաղակի՛ի բաց տալա-  
 լեցին զվէճն ՚ի դրանց գեբեզմանին, և ՚ի  
 ներքս մտեալ երկիրպագանէին սբ. տեղ-  
 ւոյն, ուր անն բան մարմնացեալ բազմե-  
 ցաւ ՚ի փրկութի մեղաւորաց, և ՚ի կենդան-  
 ութի հրաժարելոց, խոնարհին և համ-  
 բուրեն զվէճն հրեշտակքն, և երկիրպա-  
 գանեն սբ. տեղեացն, և մեծապէս պատ-  
 ուեն զտէրունական վայրան, և սքանչա-  
 ցեալ զարմանան, եթէ այնմ որում եր-  
 կինք երկնից շէն բաւական ՚ի բնակուէ,  
 մարդասիրութիւն իւրով ամփոփեաց զտեղե-  
 փառաց իւրոց, և եջ բազմեցաւ ՚ի փաբր-  
 տեղւոջն, և արժանի արար զարարածա-

Իւր օրհնել և փառաւորել զհայր և՛ զորս  
զի և զսբ հոգին յաւիտեանս ամէն :



Ճ Ա Ռ

Յ Ե Ր Ե Ի Կ Ե Ը Ե

Երգ' յոյժ սիրեմ զտեղին, և ոչ կամիմ  
հեռանալ ՚ի դրանց գերեզմանին, ալ ան  
դէն նստիլ Ք հրեշտակսն, և տեսանել  
զմեծ սքանչելիսն այ, և լսել ՚ի բերանոց  
նոցունց հրեշտակացն՝ որք զաւետիս յա  
րու թենք ի տային սբ կանանցն: Քանզի  
կանայք իսկ հաւատով ճանաչեն մեծ և  
սքանչելիք, որք գիտ' ին զնոյն արն ան  
մայր յերկինս և անհայր յերկրի: Լաւ առ  
գու թ մեծ ի սիրոյն զոր ունէին առնա՛  
բերեն իւրս անոյս, զի հեղցեն ՚ի սբ օ  
նուշահոռ գերեզմանին, և զի հատեալ

էր քուսն յաչաց ոչ զայն զերիս տիւս և  
զերիս գիշերս :

Անխադոյն մարիամ մաշտաղենացին  
եկն եհաս ՚ի գերեզման անդր : և յայնմ  
Ժամու եկն յորժամ բարձեալ էր հրեշ-  
տակն զվէմն : հայեցաւ ՚ի ներքս : և զա՛ն  
ըռնական մարմինն անդ ոչ ետես : Աւ-  
վասն այսորիկ լայր և կոծէր ողբալով և  
առէր : զինչ գործեցից : զինչ արարից :  
յո՛ւ երթայց և ուր խնդրեցից : ՚ի խաչէն  
ճշուցին : և յայս գերեզմանիս եդին : ըզ-  
դ ուռն կնքեցին : և պահապանս կացու-  
ցին : Աշակերտացն ես վկայեմ : զի ոչ  
աւրեք շարժեցան զգիշերս ամ : և որ ՚ի  
հրէիցն զայս ոչ գործէր վն պատուոյ Թե՛՛՛  
շաբաթուն : հեթանոսաց չէր ինչ փոյթ :  
նաև ումք ՚ի մարդկանէ օրէն ոչ է դիտ  
գող շրջել : ՚ի գաղանաց կասկած ոչ է  
վասն Թե՛՛՛ վն Թանքուէ : և եթէ յը-  
րուի կործիցի այս կարի վաղ է : ՚իսդ  
երեկս ուրբաթուն թաղեցաւ : գիշերքս  
ահա երկու են : և տիւս օր մի : և ժա-  
մբս երկու : և նա զերիս տիւս և զերիս

գիշերս ասաց լինելի սիրտ երկրի : Այն  
 զինորդ որ յամի արդարախօս էր , յայտմ  
 վայրի ստեճաց արդեօք , քաւ լեցի : ոչ  
 կարեմ վասն նորա յերկրայս լինել : Սուտ  
 ոչ երբէք խօսեցաւ , այլ արդար յամի .  
 քանզի զամ զոր ինչ ասացի կենդանուե  
 իւրում , եղև և կատարեցաւ : Իսկ արդ  
 այս միայն ստիցի արդեօք . ես ոչ գի  
 տեմ եթէ յարուցել իսկ է , և իմ նեն  
 գեալ յուճեքէ : Օ այս ասէր և կրծի  
 ցըն հարկանէր , և զարտառուան հեղել  
 յորդեր , մեծ աճայն ճշել ջիշիէր վս ահի  
 հրէիցն և զգուշուե պահապանացն , այլ  
 թ սիրտն փղձկէր , և ՚ի միասն հեղձնոյր ,  
 և եւս իբացն միլ թարու թե ոչ գասանէր .  
 միջև յոժ գթացեալ ողորմեցաւ նմա հը  
 բեշտակն և ասաց .

Այն դու զիւս յուսահատութք , և  
 սուգ առեալ դառն արտասուես , և ան  
 միլ թար կոծիս , ասա՛ցիս զպատճառս ի  
 բայդ թերևս լախցես անսուտ պատաս  
 իանի .

Այն նա ասէ՛ զի զտէրն իմ բարձին ՚ի

դերեզմանէ աստի և ոչ դիտեմ ուր եւ  
դին զնա :

Ասէ ցնա հրեշտակն՝ դեղեցիկ ունիս  
զսէր սբ հաւատոցդ , այլ ոչ իմաստուք  
արկանես զդասն արտասուսդ 'ի վր դե-  
րեզմանիդ : Ո՛ր երբէք լուեալ և կամ  
տեսել , եթէ մեռելք զկենդանիս խնդ-  
րես , և կամ թէ մարդ 'ի խնդիր լինի այ  
յարուցելոյ , թուի ինձ թէ քան զպահպ  
պանսն իմարարոյն ես դու : Ա՛յդ՝ եթէ  
կամիս՝ էկ , մերձեցի՛ր աստ և տես , զի  
յարեաւ և չէ ասո 'ի դերեզմանս , և  
քնաւ իսկ դու ընդէր խնդրես զկենդա-  
նին ընդ մեռեալս : Այլ զայս ասացեալ  
հրեշտակն , 'ի մեծ տարակոյս զկինն ար-  
կանէր : 'Ի աշնէալ ասէր ցնա հրեշտակն՝  
եթէ ինձ ոչ հաւատաս իբրև օտար աշ  
խարհայնոյ հայց զգաւառականդ քո , որք  
են հաւատարիմ դատաւորին և խորհրդ  
դակից իշնանացդ ձերոց և քահանայապե  
տիցն : նոգա պատմեն զճշմարիտս , ոչ մի-  
այն ձեզ որ սիրելիքդ էք , այլ և թշնամ  
եաց նորս : 'Ի վտեմ զի յարեաւ հաւաս



տի : բայց զժամ յարուէ նորա Ես ոչ գի  
տեմ : այլ ՚ի շարժել երկրիս : յսնժամ  
կարծեցի եթէ յարեալ : Առ գերեզմա  
նի աստ էաք : ես և այլ բազում ընկեր  
իմ : և զժամ յարուէ նորա ոչ գիտացաք :  
՚ի դուռն գերեզմանիս հայեցաք ամեն  
գեան և տեսաք : զի վէմն անխախտելի  
կայր և կնիքն յայանի երևէր : Ասկ մեր  
՚ի շարժմանէն կարծիս առեալ : բացաք  
զդուռն : և ՚ի ներքս ոչ զոր գտաք : և  
այնպէս տարակուսեալ կայաք : մինչև ին  
չ ընողորմեցաւ և երևեցաւ մեզ : կամի  
և յայս պատճառս դարձել ողորմել մեզ :  
զի արժանի լիցուք միւսանդամ տեսանել  
զյարուցեալն ՚ի մեռելոց :

Այլ մինչ գեռ հրեշտակն զայս ամ խո  
սէր ընդ կնոջն : ոմանք ՚ի պահապանացն  
անտի յորդեցան մահել ՚ի քաղաքն : և  
պատմել քահանայիցն : զի կայք ասեն ՚ի  
նստիք : տեսէք և հնարեցարուք զինչ  
տունելոց էք : զոր դուք ՚ի գերեզմանի ե  
ղիք յարեալ ճշմարիտ : և մք լծագու  
ցաւել ոչ կարեմք : Ահա բողոքեմք յայտ

բոնս դատաւորին • և ամքաղաքին զաշ-  
ղաղակ հարկանեմք • ոչ կարեմք յուրաստ  
լինիլ զահագին տեսիլ յարուեն • քանզի  
մեծ էր շարժումն երկրիս վերջինս քան զա-  
ռաջինն • Քանզի 'ի ժամխաչելուեն մեք  
անդ գիպէցաք • և տեսաք զմեծամեծան  
և զահագինան որ անդ եղեն • Այլ մեզ  
այս օրն առաւել գիւրագոյն էր քան զայս  
օրն • քանզի ոչ միայն 'ի շարժմանէն բե-  
կան սիրտք մեր • այլև արք լուսափայլք  
երևեցան մեզ • և ոչ գիտեմք թէ ուստի  
էին • յերկրէս և թէ յերկնիցն • անհնա-  
րին մեծապայծառ լուսաւորք յոյժ ահա  
գինք • որ թէ 'ի մէջօրէի երեւեալք էին •  
ծածկէին ճառագայթք արեգականն առ  
նց անմտոցց լուսոյն • Բայց և զայս զար-  
մացեալ եմք • եթէ զհաճող դուք ոչ տե-  
տիք • և տապ բոցոյ նոցա զհաճող ոչ ալ  
դեաց աստէն • Քաղինք տեղոցն եռաւորն  
և հողն երաշտացել զամաքեցաւ • և մեք  
ցիսամահ 'ի վայր անկէալ զնէաք • և որք  
'ի մէջ անդ մնացին արդ մեռեալ իցեն •  
Իբրև լուսն քահանայք զայս ամենայն

ի զինուորացն , սկսան տալ պատասխանի և ասեն . յորժամ այդ պիտի ահագին դործք դործեցան , ուղ և դուք ասէք եթէ ոմանք ՚ի մէնջ կիսամահ անկէլ դընին . դուք զնորդ կարացիք դալ և պատմել մեզ :

Պատասխանի ետուն զինուորքն և ասեն . կանայք ոմանք երանելիք՝ եկին ՚ի գէրեզման անդր , մինչ դեռ կայր ևս գիշերոցն . որք բերեալ էին իւրս անոցն և խուսկս սքանչելի իբրև նուէրս անձային . և ՚ի մերձենալ կանանցն ՚ի գերեզմանն յայն , յոյժ դիւրացաւ մեզ ՚ի ժամուն յայնմիկ . Օրհնեալ լիցին կանայքն այնպէիկ . և երանի քաղաքին այնմիկ՝ ուստի նորա իցեն . Ալ յիրաւի երանեմք այնպիսի կանանցն . զի մք այնչափ թմրելք և յիմարացեալք էաք , և անկանդնելի ՚ի վայր անկէլ դնէաք , և ՚ի նոցանէ մի ոմե աներկիւղ և անկասկած մերձեցել ՚ի գերեզմանն հայեր . Ալ յորժամ զմարմինն անդր ոչ դտանէր , յարտասուս հարեալ լայր դառնագին , և պատասխանիս լսէր

վն մեռելոյն, ո՞նի կենդանւոյ և յարուցե-  
 լոյ : Այլ ախպէս 'ի ժամուսն ախմիկ աղ-  
 ղեցաւ մեզ, եթէ հրեշտակ էին նոքա և  
 ոչ մարդիկ : որք մերձաւորագոյնս զնշան  
 սըն տային կանանցն զհաջելոյն, ան խոջ  
 տովանիլ և ոչ մարդ : կենդանի և ոչ այ-  
 նուհետեւ լը մեռեալս : Ա եք մեզէն իսկ  
 լուսք պատասխանի 'ի բերանոյ երևելոցն,  
 որք ստէին ցկանայան : զի խնդրէք զկեն-  
 ղեանին լը մեռեալս : ոչ յիշէք զոր յառ-  
 ջագոյն իսկ ասացն՝ թէ պարտ է որդւոյ  
 մարդոց մատնիլ 'ի ձեռս մեղաւորաց : 'ի  
 խաչ ելանել : մեռանիլ, թաղիլ, և յեր-  
 րորդ աւուր յառնել : Այլ եթէ զայս ոչ  
 յիշէք : ահա տեսէք չէ աստ այլ յարեաւ :  
 և յառաջագոյն քան զձեզ երթայ 'ի դա-  
 լիլա : անդ տեսնեցէք զնա : ահա ա-  
 սացի ձեզ :

Օ այս լուրք ահանայապետքն 'ի զին  
 աւորացն հիացան, զարմացան, աղչեցան  
 և զահի հարան : յամօթ հարան և բե-  
 կան սիրտք իւրեանց : և դիտացին, ե-  
 թէ ոչ պատճառանօք պատմեն : 'ի խոջ

հուրդ մտին և ասեն, զինչ գործեացուք  
որովհետև այդպիսի սքանչելի օգյարեալ  
յայտնապէս, զի հրեշտակք և մարդիկ  
տեսին: Այլ պահապանքս՝ զորս խնդրեցաք  
ի դատաւորէն՝ նք մեծամեծ նշանօք պատ-  
մեն զյարուցեալն: Արդ՝ ՚ի գալիլեա ևս  
երթայ, և մեծագոյն ևս քան զայս յայտ-  
նուիս առնէ: Այլ իբրև այլ ևս հնարս  
ոչ կարացին իմանալ, արիին ձեռս ՚ի գան-  
ձքս տաճարին, և առել անտի արծաթ  
բազում, ետուն պահապանացն, և ու-  
սուցին նոց պատճառս ասել թէ գողա-  
ցան զնա, որոյ վասն և զինուորքն հրա-  
մայեցան նոցա ՚ի դատաւորէն:

Այլ ի հրեշտակսն պարեալ պատի մա-  
րիամ զգերեզմանաւն ՚ի խնդիր յարուցե-  
լոյն, և առ յոյժ զերմ սիրոյն անդադար  
ածէր զաչսն ի վայրօքն, մինչև շնորհե-  
ցաւ նմա երևումն փափագելի՛ ոչ հրեշ-  
տակի ուրուք, այլ նորուն իսկ տուն յիւ-  
ճ ՚ի գրեալ է աւետարանագիրն, զայս  
իբրև ասաց նմ հրեշտակն, նայեցաւ մա-  
րիամ ՚ի կողմն ուր ՚ի խաչ հանել էին զնո՛

Ետեւ անդ զմին՝ այլ ճանաչել ոչ կարաց,  
 կարծեաց՝ թէ պարտիզպանն իցէ, և ար-  
 սէ ցնա խանդաղատելի բանիւ, տէր է-  
 թէ դու բարձեր զնա, ասա ինձ՝ ո՞ւր է-  
 դեր զնա զի ես աւից զնա: Բարւոք  
 տքնիս ո՞վ մարտամ զգիշերդ ամ, և գե-  
 ղեցիկ էն խնդիրք առաւօտուդ, ոչ որ  
 'ի մարդկանէ զրկէ զլաստակաւորս իւր,  
 և ոչ ամ զլանայ զլարձս վաստակոց քոց:  
 4) Վարձս գիշերային աշխատութեց քոց  
 հատուցանէ հրեշտակն՝ տալով քեզ աւել-  
 տիս յարուցելոյն 'ի մեռելոց, և զտասը  
 անձկոյ սրտի քոյ զովացուսցէ քեզ երե-  
 ու մն պարտիզպանիդ: Այլ և ինձ թուի,  
 թէ գտեր զգողդ, և ոչ միայն զգողդ,  
 այլ և ի գողոյդ՝ զգողունսդ, քաջ պըն-  
 դեաց 'ի վր, զի դա է ճշմարիտ, և ոչ  
 զայլոյ գողացել է, այլ զիւրն իսկ առել  
 ունի զմարմինն: Մի՛ ասեր թէ դու բար-  
 ձեր, իբր թէ այլ զայլոյ ինչ, այլ բար-  
 ձեալ ունի իսկ, և զիւրն ունի բարձել  
 զմարմին: Վաս է որ խաչեցաւ, դա է որ  
 և դա 'ի գերեզմանի անդ, դա է որ յո-

բեաւն անտի . դա է որ 'ի Առեալն չո  
գաւ . դա է որ եմուտ 'ի տուն հզօրին .  
դա է որ կապեաց զհզօրն . դա է որ բաշ  
խեաց պարզ ևս բազմաց . դա է ճշմարիտ  
պարտիզպանն . դա է որ տարաւ զաւա  
ղակն 'ի դրախտն անթառամ . դա է որ  
էած զդոզն 'ի պարտէզ իւր . ( Գ ) դա  
խնդրէիք , վասն դորա լայիք , վասն դո  
րա լուար 'ի հրեշտակէն եթէ յարեաւ .  
վն դորա հրեշտակն զգերեզմանաւդ փա  
բի . վն դորա բերէր զեւզն և զսուսկի .  
եթէ վն դորա բերէր , այլում 'ի խնդիր  
ոյ լինիր : Այց զայդ զոր ասացերդ , թէ  
ուր եղիր զնա՝ ցուցէք ինձ զի ես աւելց  
զնա և զնացից . գիտեմ զի առ ջերմ ու  
րոյդ ասացեր զայն : Այլ գիտաբիր՝ որ թէ  
սա զինքն քեզ տայ , տանել ոչ կարես .  
և ոչ թէ դու միայն՝ այլ և ոչ մարիամ յա  
կոբայն , և ոչ միւս մարիամ կղէ ուլպայն .  
և ոչ քորքն զազարու՝ մարիամ և մարթայ .  
նաև ոչ կոյն մարիամ որ է մայր դորա .  
Այլ թէ ամեն թեան պարանիք բառնաչ  
զդա ոչ կարէք . քանչև յոյժ ծանրացաւ .

և առաւել յոյժ թեթեացաւ : ծանր է  
 այսուհետեւ այնոցիկ՝ որ մարմնապէս կա-  
 մին մերձենալ առ նա , և թեթեաց-  
 ցիկ՝ որք հաւատով մօտենան առ նա :  
 Տի նովաւ և ՚ի ձեռն նր վերաբերեցին  
 ՚ի կեանս , և նորոգեցին յանմահու-  
 թիւն յանտարժանեւի տեղիսն : Եւ որ  
 գին այնստի ընդ աջմէ այն հօր ՚ի բար-  
 ձունս երկնից , և բարեբանի յարարածոց  
 իւրոց՝ օրհնեալն յաւիտեանս :



Խ Ր Ա Տ

Մ Ե Ն Յ Ո Ն Գ :

Մարդիկ՝ որ են ՚ի մարմնի , և կամօք  
 ետուն զանձինս իւրեանց յածպաշտուի ,  
 անդստին ՚ի աղայու-  
 թի խաչան , կրթին ՚ի



վշտամբերուլի • հեռանան ՚ի հայրենի բլր  
նահուլին, և վարին յանսպատ յանշէն եր  
կիր • ոչ իբրև չարակնելով նախանձութ  
վախուցեալք ՚ի բազմամարդոյ քաղաքաց  
այլ զի տեսանեն զաշխարհս լի ամենայն  
չարեօք՝ խոյս տան ՚ի խորշս և ՚ի ստորտս  
անսպատ վայրաց • զոր տեսանեմք իսկ  
յաճախ ՚ի կողմանս հարաւոյ բազմուլի ա  
բանց՝ առանց կանանց միաբանուէ յազգաց  
և ՚ի լեզուաց • զմիով վայրօք հասեալք •  
ժողովեալք իբրև ՚ի հայրենի գաւառս՝  
առնեն զբնակուլիս, երկու ընդ երկուս  
և կամ երեք ընդ երիս • և կամ ևս բա  
զումս քն զսոյնս • Այլ շինեն իւրաքանչիւր  
խցկունս զատուցեալս ՚ի միմեանց • որմք  
գուզնաբեայ առ ցրտոյն պահպանուլի, և  
զոյգ նմին ձեղուն՝ առ արեգական պահ  
պանիլ • յատակք անպաճոյճք՝ շատացեալք  
խոտեղեն անկողնօք •

Այլ քանզի բնուլիս մեր լուղակէ՝ սիրէ  
ծածկել զմերկուլի, առնեն և նորա հան  
դերձս անպաճոյճս՝ և յոյժ գձուձս, կո  
ղբս ամարանի և թեզանաւորս ձմերս

նի • արկանեն և աղաբողոս մեկնաւորս ՚  
 մանաւանդ ՚ի պարս շրջակայ անդադար  
 պաշտամանն՝ երգս հոգեւորս հօրն բոլո  
 բեցուն մատուցանեն զուարթ հոգւով :  
 Անն ընդդէմ միեանց զաչս ՚ի վայր արկել  
 զծայրս ոտից մատանցն նկատելով, իբր  
 թէ ՚ի մի կէտ տեսակի ամենեքեան հայ  
 եսցին • զաջ ձեռն ՚ի վր ծնօտին եղեալ  
 և զահեակն ՚ի վր կրծիցն, ոսկ կարծեմ  
 ուսեալ ՚ի բնական հարցն :

Արկու են պատուականագոյնք ՚ի մար  
 մընի, կենդանական և խոհական • երկո  
 քումբք երկոցունց սպասաւորեալ, կեն  
 դանականին՝ սրտմտականն է հակառակ •  
 իսկ խոհականին՝ արտաբերական բանս :  
 Արդ՝ ձախտ զերասանակ ՚ի ձեռն առել,  
 զսրտմտականն սանձակոծիցէ • և զաջ ձե  
 ռըն՝ ՚ի վր աջց ծնօտին եղեալ խոհակա  
 նին սպաս ունի առ դրան բերման բանին •  
 զի մի այլայլութի յուղիղ փաստորութին  
 խառնւսցի : Ալ ընդ այսու երկու մա  
 սամբքս նահանջին ամ զգայութիբս, աչք  
 յուղիղ տեսութի, և ականջք ՚ի զգաստ

լսողուի, միտք ՚ի սրբ իմաստուի, և այլք  
 լիւրաքանչիւր մասին: Այլ իբրև այս  
 պէս կարգեալք և յօրինեալք՝ ամենեքեան  
 ՚ի նմանուի վեցթեան սերովբէից շուրջ  
 պարիակէլք, ճայնս անհատս ՚ի վեր հըն  
 չեցուցանեն, և օրհնութի եռաչափս ՚ի  
 խորհուրդս միաբանութեան արարչին իւ  
 րեանց բողոքեն: Ստիւն ամ պարապէն  
 երգոցն քաղցրութի, յագեալք և զմայ  
 լեալք ՚ի կերակուրան երկնայինս՝ առ լցելք  
 հասանեն ՚ի ժամ երեկոցին: Այլ քանչի  
 մարմին ունին լի բնութեա մերում զդայ  
 ութեա, ուտեն՝ զի մի՛ քաղցիցին, և ըմ  
 պեն՝ զի մի՛ ծարուեացին:

Արդ՝ դու իբրև լսիցես զուտեցն՝ մի  
 առ մերան ընթանայցես, զի հոց է նոցա  
 անպաճոյճ, և բանջար վայրենի, զոր  
 համով աղին համեմեն, և ջուր յստակ զոր  
 յամպոց բերմանէ ՚ի դուբս ժողովեն, օ  
 սակայն և զայս ոչ երբէք ՚ի տունջեան  
 մատուցանեն ՚ի դարմանս պիտոցից մարմ  
 նոց, այլ միաբան պահելով զերկայնուի  
 աւուրն, տեղի տան արեգակն մտանե

լոյ՝ ճգեն երկայնեն զերեկոյնն՝ մինչև առ  
 տեղք յիւրաքանչիւր կայեանս պայծառա  
 նան՝ գոհանան իբրև ընդ մի բերան ա  
 սելով՝ ՚ի խաւարային ժամու զխաւարայ  
 ին կերակուրս՝ խաւարային մարմնոցս առ  
 ցուք։ Աւ զայս ասելով՝ ՚ի ճայն բարձր  
 փառատրեն զոր երբորդուին՝ ինդալից  
 ուրախուի ակմբին յիւրաքանչիւր տեղիս։  
 Աւ ուն ասացաքն՝ ուտեն հաց՝ և զողայ  
 և ըմպեն ջուր ցուրտ։ Քանզի գոն ՚ի նո  
 սա ծերք փափկավարք՝ մատուցանեն ջուր  
 ջերմ՝ զոր և բարեխառն անուանեն՝  
 այլ գինի՝ և կամ այլ ինչ զանազանեալ  
 և գտանի ոչ ՚ի սր միայնոցս նոցա՝ և յա  
 բուցեալ յանպաճոյճ ընթրեացն՝ միաբա  
 նուի ասեն։

Փառք քեզ տր՝ փառք քեզ թագաւոր  
 մեր՝ զի ետուր մեզ կերակուր ուրախու  
 թեան՝ լոյ՝ զմեզ հողւով սքիլ՝ զի գլու  
 ցուք առաջի քո հաճոյք՝ և մի ամա  
 չեացուք՝ զի դու հատուցանես իւրա  
 քանչիւր ընդ որոճոց իւրեանց։ Աւ այս  
 պէս անագրելով զինքեանս՝ տան զանձինս

սակաւ մի անօր քնոյ , զի մի տհալ կե-  
րակրովք գեղեցիկ շնուած մարմնոյն շը-  
փոթեալ խանդարիցի , նաև եթէ յամեն  
ևս ՚ի քուն , երազ հոգեկան տեսանեն ,  
և անդէն զանուրջսն մեկնեն իբր զբանս  
սր մարգարէիցն , և զարթուցելք առ հա-  
ւարակ անդէն ՚ի շրջանս պարուց բոլորեն ,  
ոչ հակառակք , և ոչ լիմացեալք , քաղ-  
ցրր հաւանութե և հեղ հանդարտութե ,  
առաջնորդք դասուցն հնչումն ձայնի ար-  
ձակեն , երգս հոգեորականս՝ քաղցրա-  
նուագս փոփոխելով , իսկ այլ կրտերա-  
դոյնքն ձայնիցն միտ դնելով խառնեն զլու-  
րաքանչիւր բարբառսն յարմարելով և կազ-  
մելով զմիաբանութի հնչմանն , զի իբրև ՚ի  
միտէ բերանոյ ամ բազմութի ձայնիցն հըն-  
չեցէ : Ալ այսպէս յերկարելով զձայնա-  
ւոր պաշտօն ծուներ դնեն ամենեքեան ,  
յաղօթս կան լուսութե , և ՚ի ձեռն առաջ-  
նորդի ալօթիցն կանդնեալք ամենեքեան  
կփառատարութի կատարեն : Ալ կատա-  
լեալք զտունչեան պաշտօնն , լաւ համա-  
րեցան զգիշերսն վաղայարոյց լինելով մին-

ջև յառաւօտ աղօթիցն ստորապէալք . և  
 բնթեռնուն զգիրս սբս : Իսկ ոչք ունին  
 շնորհս վարդապետութե , առնեն մեկնու-  
 թիւնս ՚ի միթարութի լսողացն : Պատմեն  
 վասն լինելութե աշխարհի յոչնչէ եղեալ  
 և կարգել մի լի միոչէ վերատու բարեաց՝  
 կարգեն ՚ի լեւելս ժողովրդոցն վկայութի  
 սուրբ գրոց : Եւ այսպէս ուսուցանելով  
 մինչև մուսնալ լսողացն զամիրս աշխար-  
 հականս , և ջիշել ամենեւիմբ զհարկաւոր  
 կերակուրս և ըմպելս : Եւ այսպէս ու-  
 բախացեալք ՚ի սէր սոյ՝ մինչև ճամարեալ  
 զիբեանս ՚ի մարմնի այլ յերկինս , և հեշ-  
 տութեանցանեն զերկայնութի գիշե-  
 րոցն մինչև յառաւօտ : Կանգի ստեղծեց  
 են լերկրէս , և զդեցեալք զերկինս , ա-  
 մաչէ մահ առ դրունս նոցա , և դասնա-  
 ցան դժոխք յիջանել նոցա , կենդանութի  
 նոցա դրունք են աղօթից աշխարհի , և  
 ոսկերք նոցա գանձ են ամ ապաւիտելոց :  
 Եւր նոցա յորդորիչ է ամ հեղգացելոց ,  
 և գործք նոցա վարդապետութի ամ կառ-  
 ցողաց , դասակիցք են հրեշտակաց , և

օթեանք սբ երրորդութեն օ

Միտ զայս ամենայն գիտելով էղբարք և  
պարտիմք թեանստեւ և զնոյն նախանձ  
սրբութե յանձնս բերելով, նմանօղբ լի  
ցուք այնպիսոյ բազմագունդ միայնացե  
լոց յաշխարհէ, և զիմելոց ՚ի քաղաքամայ  
բն զլեբին, որ ազատ է յախտից երկրա  
ւորաց, քանզի ընկերակիցք են մերոց բլ  
նուէս՝ որ զօրացուցանէ զտկարութիս ։  
Սիայն կամեաց քուռն հար հաւատովք,  
յուսա՛, սիրեա՛, և կորես տեսանել զայն  
պիսի նահատակութի, զի ոչինչ համեմատ  
են չարչարանք փամանակեանք առ կեան  
սըն, որ պատրաստեալ է այնպիսի ճգնո  
ղաց ։ Վրանզի յոյժ իսկ երկուցեալ եմ  
ես ընդ հեղգութիս մեր, գրե թէ զամե  
նեւեան առասնեմ թաւալեալ յերկրաւոր  
առացուածս, իսկ սրդ բնութիս իմ ոչ  
կշտամբէլ յանդամանէ զլս, և թէ ստեղ  
ծայ մերկ, և և թէ եղայ ՚ի դրախտին  
մրկ, և և թէ ելի անտի մրկ, և և թէ  
ծնայ մրկ, և և թէ անդրեն յերկիր մրկ  
անդամ երթամ, Միտ թէ տանել աս

տի ոչ կարեմք, զի և սաստէն 'ի սմին թար, թափիմք յաշխարհիս : Մերկացեր սոսկացիւր ուլ միայնակեացդ, մի թաւ ամուր ընդ ունակ լինիլ նենգաւոր թշամուցն, գուցէ 'ի դարան մտել մտալուտ զքեզ անդէն 'ի քեզ արշաւեսցէ կողոպտել, զերծանել 'ի քէն զգանձսն երկնաւորս : Բաւական համարեաց քեզ զտէրունեան կանոն : ոչ որ յերկրաւորացս կարէ երկուց տերանց ծառայել, որ յայանագոյն իսկ ցուցանէ առանց միջնորդի և մեկնուե : ոչ կարեք դուք ասէ այ հաճոյ լինել, և մամոնայի :

Աւարդ՝ և ստեանեմ 'ի ձրում աշխարհիս, և ոչ զոր ազատեալ յայսպիսի աղէտից : Յետո լըդէմ ընթերցաք ընդ դեղեցիկ դրեալսն, 'ի պատճառս սխալուորուե հեւացաք 'ի նք ծնողացն, և արարաք բազում հարս օտարոսիս, զորս պատուելոյ արժանի էր՝ անարգեցաք, և յորս ոչ ունէաք իշխանութի դնել մեծաբանս՝ զախտ աղէտից մերոց յոյժ ծախեցաք : Ազատեցաք 'ի հարկաց արքունիս



զորս առանց մեզաց էր հարկին , և մը  
տաք ընդ հարկաւ ստացուածոց , որ լին  
է անառակ ազահուք : Չեւաք յանկողինս  
սը հարսանեաց , և արարաք մեզ բարձ  
րագահոյս առաւելքն զաշխարհի , փախ  
կանամք յանկողինս յարմարելս , և յածել  
կոծին միտք մեր 'ի խորհուրդս աղտեղիս  
զգիշերն ամ : Առշիկք ոտից մերոց յանդէ  
մանեն զմեզ , եթէ ոչ են սը ճանազարհք  
մեր : Տանդերձք մեր աղաղակեն զգործոց  
մերոց , եթէ մերկեմք յերկնաւոր զգես  
տուցն : Արիւլարք մեր՝ ցուցանեն զմեզ ,  
եթէ ոչ եմք յախշտակելոց լառաջ տան  
'ի վերօդոց : Շինուածք ապարանից մե  
րոց յայտ առնեն , եթէ չունիմք մեք տա  
ճար առանց ձեռագործի յերկինս , յոր  
մտանելոց են ամենայն դաւք սուկացելոցն  
յերկրաւոր ախտից : Աշուածք անդաս  
տանաց մերոց կշտամբեն զմեզ , եթէ չեք  
մեր բաժին 'ի վիճակս երկնաւորս : Սը  
գուզք անյագք եղաք 'ի կերակուրս , և  
առանց չափոց արբաք գինի պղտորիչ խոր  
հրդոց և մտաց , խոր 'ի քունն ննջեմք ա

մենեքեան • և երազ թուի մեզ ճշմարտուին : Աստուծոց ևն աչք մտաց մերոց 'ի տեսական խորհրդոց • և անյագ պագշատեալ հայել 'ի կեանս աշխարհիս : Այդ գեղեակք զլեւին 'ի սբ ընթերցուածոց • և ունկնդիր եմք բառաջման խաշմնց մերոց : Այլ եկն մեզ հատ անոյշ 'ի հոգւոյն սբյ • վասն զի սիրեցաք մեք զիւղ աստուծոց աշխարհիս : Այլ ճաշակեցին քիմք ոգւոց մերոց զկերակուր երկնային • վասն զի պարտեցաք զանձինս մեր 'ի զանազան խորտիկս : Աստուծ է գոյն դիմաց մերոց • վն զի ոչ զուարթացան երեսք մեր 'ի խորհուրդս սրբուէ : Տաւալից են անդամք մարմնոց մերոց • վասն զի յառաջբան ըզմարմինս՝ զողիս աստացուցաք : Աերեզմանաց բուեւոց նմանեցաք յանձինս մեր • վասն զի ունայն եմք 'ի շնորհաց սբ հոգւոյն • վասն այտորիկ և ամ չարիք եկին հասին յաւուրս մեր : Ակնդանեաւ մերով տեսաք զդիակուրս անձանց մերոց • քաջ նահատակք մեր անկան 'ի պատերազմի • և սբ քահանայք մեր խողխողեցան 'ի ձեռաց

անօրինաց : Սեղեցիկ երիտասարդքն զն  
նան 'ի սպանումն , և բազում կուսանք  
վարեցան 'ի գերութի , գիրք կանայք ան  
կան 'ի տառազանս այրուե , և բազում  
որքք կահանին դառնապես : Ազատ եկե  
ղեցիք անկան 'ի ծառայութի հեթանոսաց ,  
և սբ. քահանայք նոցա կուփին չարչարին  
յանօրէն հարկահանաց : Քարձեալ է ու  
ղորմութի յաշխարհէ , և հեռացել գութ  
յիւրաքանչիւր մտաց : Արկինք 'ի վերուստ  
բարկացել են , և երկիր 'ի ներքուստ կայ  
յերերի տատանման : Շինուածք մեր ե  
զեն գերեզմանք դիականց մերոց , և վաս  
տակք ձեռաց մերոց տաքալեցան 'ի վերայ  
մեր : Պայծեաց և պատառեցաւ թանջ  
րութի երկրիս , և բազում մարդիկ 'ի վայր  
հոսեցին : Աջ սպասեաց որդի հօր , և ոչ  
գոյր զաչս եղբօր կալաւ , և ոչ ել ձայն  
լալոյ կանանց 'ի վերայ ծննդոց իրեանց ,  
չան զի լբոց սով զբերանս նց : Տղօրք  
խորտակեցան յանլարծակի իբրև զմայրս  
բարձունս լբանանու , հնձանք եզեն բալ  
կուե , և ճմլեցան ամենքեան իրրև զոն

կոչ լի ոտամբ : Վոխանակ գինւոյ՝ արիւն  
 անմեղաց ցայտեցաւ ՚ի հանդերձս մեր ,  
 դառնացաւ քան զլեղի կերակուր ՚ի քիմս  
 մեր , և ՚ի քացախ դարձաւ սբ ըմպելիք  
 մեր , ընդ հարեալն հարաք ամենեքին յո  
 գի և ՚ի մարմնս մեր , և ընդ մեռեալն  
 զմահ ճաշակեցաք : Այդ՝ ոչ ապաքէն վս  
 մեոյ հեղգուեանցին այս անցք չարչարա  
 նաց ընդ աշխարհ , օն անդր ՚ի բայ կաց  
 յաշխարհէ , որ վաղդ ելեր մեկնեցար յա  
 ղէտնց՝ նորա , թօթափեալ ընկեա ՚ի բաց  
 զկեղեանս ակտալց աշխարհիս : Կեր  
 կեաց իբր զըմբշամարտիկ , օժ իւղովն  
 քսի , զի մի կռուեսցին ՚ի քեզ ձեռք ա  
 խոցանին : Ասկ արդ՝ եթէ հեթանոսք որ  
 ըմբռնեցան ՚ի տեսական իմաստուեի , ոչ  
 միայն ՚ի ստացուածոց ՚ի բաց կացին , այլ  
 և յօրինաւոր կերակրոց հրաժարեցին ,  
 համառօտ և անպաճոյճ ըմպելեզք շատո  
 ցան յանձինս իւրեանց , և աւաքինի մահ  
 սուամբ վախճանեցան ՚ի կատարած կենաց  
 իւրեանց , որչափ ևս առաւել մեք պար  
 ախմբ նմանօր լինիլ սիրելեացն քսի , որք

հրեշտակակրօնք զանձինս կարգեցին . խառնելով զինքեանս 'ի գունդս վերնոցն . Այնչափ և մեք ով միայնացեալք՝ զօրէն թշնամեաց մտցուք 'ի մերն ստացուած իբր յօտար երկիր . արմատախօյլ զժառանգուկըս թշնամոյն կոտորեսցուք . իբրև ըզդերի առեւ ծախեցեմք 'ի նեղեալս վինչս մեր . ոչ զի ատիցեմք զազգանսն , այլ զի սիրիցեմք զաղքատսն , որ են զօրականք քսի , և ճշմարիտ բարեխօսք , ապա թէ աստէն կապիս ընչեւք՝ և քեզէն վարես զքեզ յանդարձ դերութի . ուր չեք անդ դինք վրկանաց , վր-թովութան ճեպեան եղբայր՝ ապրիլ յայնպիսի անողորմ գեհենէ . զի կարիցես հասանել յամուր քաղաքն , ուր ոչ դոց քեզ կասկած , կամ երկիւղ խախտիլ և վարիլ 'ի դերութի . Այլ եթէ եկեսցես զհետ դեղեցիկ վարդապետութի հարցն , զորս վերագոյնն գծագրեցի քեզ զվարս սբ սրբայնակեցացն , յայնժամ կարասցես համբառնալ զաչս մտացդ առանց ակտից չարչարանաց , հայել և տեսանել զքեզ գեր 'ի

վերոյ քան զամ երկինս : Աշրանի տաղեա  
անձինդ քաջապէս ճողոպրեալ 'ի վշտակց  
կենաց աշխարհիս , և խառնեացիս յերամ  
միայնակեցացն . 'ի դուռնդ սբց արդարո  
ցըն , 'ի վնճակ առաքելոցն , 'ի դուամարս  
մարդարեիցն , 'ի կանաւս մարտիրոսացն ,  
'ի բանակս հրեշտակացն , և 'ի ժողովս  
անդրանկացն 'ի մեծ քաղաքն երկնից , 'ի  
բազմականոն արքահամեան , և 'ի կերա  
կուրս երկնայինս , և յըմպելիս անկարօ  
տըս : Սբաւ ես այնուհետեւ մարդարէն ,  
որ ոչ պատուեցար 'ի մարմնական աշխար  
հիս . այլ թեւածեալ թռուցար յանմար  
մին աշխարհն . և հանգուցեալ դադարե  
ցեր յանտաշական ուրախութիւնսն .

